

NA ZULU YA MAPAPU YA YEMBE YA MPEMBE MUTINDU MVULA-MPEMBE



Beto kulumusa bayintu ya beto.

Mfumu ya luzolo, beto ke tonda Nge na nkokila yayi samu na nsilulu ya nkwezulu ya Mfumu Yesu, kisika beto ke kutana na lukutakanu ya nene kisika ya ke suka ata fioti ve, ya kiese mpe mikunga, mutindu beto ke kumisa Nge na kati ya bansungi ya seko yina ke kwiza. Beto ke lombala balusakumunu ya Nge na zulu ya lukutakanu na nkokila yayi. Beto ke lombala balusakumunu ya Nge na zulu ya tabernacle yayi, na zulu ya kimvuka ya yawu, ba-pasteur ya yawu, bisadi kintwadi ya yawu, bisadi kintwadi na pasteur ya yawu, mpe bawu nionso.

² Beto ke lombala Nge na kusakumuna bayayi, Mfumu, yina me katuka na bakilometele mingi samu na kuvwanda na kati ya lukutakanu, tentika diboko ya Nge ya kyadi na zulu ya bawu mutindu bawu ke vutuka na bayinzo ya bawu. Pesa yawu, Mfumu. Ti beto ke kutana bambala mingi kintwadi na kisika yayi ba ke bokilaka yinzo ya Nzambi, samu na kusambila. Sakumuna bayina ke na kuwa na nkokila yayi, Mfumu, na nzila ya allo-allo. Bika ti muntu nionso yina me vuluka ve kuzwa Yesu Klisto Mvulusi ya bawu, na nkokila yayi; belusa bambevo nionso mpe bantu ya mpasi, Tata, kisadi ya Nge ke na kutalisaka kisalu, na Nkumbu ya Yesu. Amen.

³ Mfumu sakumuna mosi na mosi ya beno. Kiese mingi na kuvwanda awa na nkokila yayi. Mu kotaka kaka na ntangu Mpangi Ernie vwandaka yimba kitini ya nsuka ya nkunga ya yandi, *Na Zulu Ya Mapapu Ya Yembe*. Ya kieleka ya kele muyimbu ya kitoko, ya kieleka ya kele kitoko, mpe mu—mu zaba ti ya kele ntangu ya kulunga. Na yawu ntangu yayi, beto ke vutula matondo mingi.

⁴ Mpe na bayina nionso ke na kulandaka na allo-allo na nkokila yayi na yinsi ya muvimba, Mu zolaka ti beno vwanda kaka awa samu na kumona kuingila yayi, kuingila na zulu ya bizizi ya bantu mutindu bawu kele ya kukangama na kati ya kivinga na nkokila yayi; bawu me kuzwa ntangu mosi ya mbote.

⁵ Beto ke vutula matondo na Mpangi Jack Moore, mpe Mpangi-kento Moore, mpe Mpangi Nolan, Mpangi Boutliere, Mpangi Brown, ba-associé nyonso yayi awa, tabernacle ya muvimba, kimvuka nyonso, samu na kubokila beto na kuvutuka.

⁶ Ya vwandaka...kieleka mutindu...mutindu ya...mu lendaka ve kutuba ti ya vwandaka kufwanana, ya vwandaka kaka diboko ya Nzambi yina salaka yawu. Ya kele na mpangi-bakala mosi awa yina kuzwaka ndosi mosi na mwa ntangu me luta, samu na yina me tala kima yayi ke na kusalama, yandi tubaka ti mu “vwandaka ya kutelama na pantalon ya mpembe, na moccasin ya ba-Indien.” Mpe ya kele kaka kieleka mutindu mu vwandaka ya kutelama ntangu mu bokilaka Mpangi Jack samu na lukutakanu awa, mu vwandaka kaka kieleka, (na Carson, na Colorado) na moccasin ya ba-Indien mpe na pantalon ya mpembe ya levi; Mpangi Leo, kana nge ke na kuwa, mu zolaka kaka kukutana na nge na baminuti fyoti. Na yawu ya kele ntangu lukutakanu bakaka kisika ya yawu ya mbutukulu, kaka kuna.

⁷ Ntangu yayi ya kele Lumingu na nkokila; mu zaba ti mingi ya beno ke nata ditoma mpimpa nyonso na nkokila yayi na kukwendaka na yinzo, bayankaka na kati ya beno ke tambula na ditoma na suka. Mu kele na bilumbu zole yina mu ke tambula na ntuala ya munu. Mpe na yina beto—beto ke kanga beno ntangu ya yinda ve. Mpe mu mekaka na kusala yayi nkokila mosi ya mutindu ya ntama, nkokila yina Mpangi Brown, mpe Mpangi Jack, mpe beto nionso yina vwandaka sambila samu na bambevo bamvula me luta, ke sambila samu na bambevo mutindu mosi beto salaka na ntangu yina kuna.

⁸ Ntangu yayi, beno lenda kuwa munu kuna na manima? Mu ke landila kaka na kukulumusa ba-micro yayi samu ti ndinga ya munu me kangama.

⁹ Mpe na yina mu zola ti... Ya ke na mwa kima mosi, mwa kisumbula mosi me salama. Na yina, ba me tuba na munu mwa ntangu fioti me luta ti ya vwandaka na mpangi-bakala mosi, mu banza kele awa na lukutakanu na nkokila yayi, yina me basika na sysiteme ya denomination; yandi me kwisa na Shreveport, yandi zolaka kuwa samu na yina me tala Nsangu. Mpe yandi me zimbana, yandi zabaka ve kisika yandi vwandaka, na yina yandi kwendaka na kati ya mbanza. Yandi monaka bantu me vukana, yandi tubaka, “Yayi kele kisika Billy Branham ke longa?”

¹⁰ Yandi tubaka, “Ve, ya kele kisika Billy Graham ke longa na—na nzila ya film.”

¹¹ Yandi tubaka, “Mbote, lemvokila munu, mu—mu me kuzwa kisika ya yimbi.”

¹² Yandi tubaka ti yandi kwisaka, yandi tubaka, “Ntangu yayi wapi kisika mu lenda kwenda, Mfumu?” Yandi tubaka ti yandi bandaka na kutambula na bala-bala yayi ya nene. Mu zaba ve yinki ya kele, ya kele na dibuundu ya nene awa na nsuka. Bala-bala ya Texas. Mpe ya vwandaka na kulunsi mosi ya nene ya mpembe na zulu ya yinzo-Nzambi. Yandi tubaka ti Mfumu tubaka na yandi, yandi tubaka, “Landila kaka na kutambula.”

Yandi tubaka... ntangu yandi kumaka kuna, ya vwandaka... Yandi tubaka, "Mbote, awa fwana vwanda kisika ya kele, ya kele na matoma mingi yina kele pene-pene." Mpe yandi tubaka, "Kento ya makwela mpe bakala ya makwela ke basika na dibuundu." Ya vwandaka mazono na nkokila, ya vwandaka na makwela, mu monaka yawu kubasika. Mfumu tubaka, "Ntangu yayi, yawu yina. Benó ke basika na kimvuka ya denomination samu na kukota na Kento ya makwela, samu na kukwenda na Bakala ya makwela." Benó me mona? Benó me mona?

¹³ Mu vwandaka talisa na nkento ya munu, ntangu ya vwandaka kulumuka na nzila, mutindu ngonda mpe mbwetete vwandaka kaka na zulu ya kulunsi yina, na yina beto vwandaka tambula na kati ya yawu. Mu banza ti mu ke tala kaka mwa bima mutindu yina, mu banza mutindu kufwanikisa na kundima ya munu na Nzambi mpe ministere ya munu.

¹⁴ Mu vwandaka banza na nkokila yayi, na Tucson, ya salamaka ti Victor Le Doux, yandi vwandaka muntu ya France yayi... yandi kele muntu ya kieleka ya France. Mu banza ti mu vwandaka tuba na beno kilumbu yina, ti ntangu mu manisaka na kuzonza, na kumekaka na kukabula malongi ya denomination na Buklisto ya kieleka... Mpe bakala mosi vwandaka pesa munu... mutindu ya kizonzi mosi samu na yina me tala yawu, yandi vwandaka ya dibuundu mosi ya ba-Pentecotiste ya lukumu.

¹⁵ Mpe na yawu Danny Henry, mu banza ti yandi kele mwa cousin ya star ya cinema to kima mosi, mpe yandi vwandaka Baptiste, mpe yandi kwendaka mbangu na estrade, mpe yandi telemisaka kaka maboko ya yandi na zulu ya munu mpe tubaka, "Mpangi Branham, mu banza ti yayi ke wakana kuvwenza ve, kasi yina lendaka vwanda kapu ya 23 ya Apocalypse." Mpe ntangu yandi bandaka na kutuba kima yankaka, yandi bandaka na kuzonza na bandinga.

¹⁶ Mpe yayi, bantu tatu ya France: Kento mosi ya France, kento mosi ya nene, ya kizitu, ya ndombi, ya Louisiane, yandi lendaka vwanda ya kuvwanda awa na nkokila yayi, sonikaka yawu na kitini ya mukanda, yina yandi tubaka; na yina Victor Le Doux, longi mosi, sonikaka kima mutindu mosi, mpe ba vwandaka fwanikisa banoti, to zolaka kusala yawu; na yina bakala mosi na bansuki ya mpembe, ya ndundu na kutala, ya vwandaka kaka kuna na nsuka, yandi vwandaka kieleka kuna na nsuka, yandi kwisaka na ntuala, yandi zolaka kumona banoti yango, yandi vwandaka mutendudi ya France na O.N.U, mpe banoti tatu nionso vwandaka mutindu mosi.

¹⁷ Mpe Yawu tubaka mutindu yayi:

Samu ti nge me sola nzila yayi ya mpasi, nge me sola yawu, nge me baka... me sola yawu na nzila ya nsodolo ya nge mosi...

Ya kieleka, beto zaba yawu. Moise zolaka sala nsodolo ya yandi. Yandi tubaka:

. . .yayi kele nzila ya kusungama mpe ya kieleka samu ti ya kele NZILA YA MUNU.

Mpe yayi—yayi kele lukanu ya nkembo nge me baka!

Ya tubaka:

Samu na yayi, kitini ya nene ya Mazulu ke vingila nge.

Mpe yayi, na kati ya yawu mosi, kele yina ke sala, mpe ke pesa, lunungu ya nene na kati ya Zola ya Kinzambi.

¹⁸ Nyonso tatu vwandaka mutindu mosi. Mu banzaka ti mu vwandaka na yawu na kati ya Biblia ya munu na nkokila yayi, mu talaka kuna, kasi mu salaka yawu ve, kopi ya ntete ya yawu.

¹⁹ Danny Henry zaba ve, mutindu munu mosi, na mpasi yandi zaba mbote Kingelezi, ti yandi mosi Falansa. Kana beno tala na kati kuna, ya kele mutindu ndinga ya Falansa, ba tulaka mbangululu na ntwala ya adverb. Mpe lutendulu ya nyonso tatu vwandaka kieleka mutindu mosi.

²⁰ Danny Henry, mwa ntangu me luta, yandi salaka . . . Danny lendaka vwanda na kuwaka na nkokila yayi. Victor Le Doux, samu ti mu me bakula ti yandi kele na Tucson. Mpe beno bantu na Tucson na dibuundu, na tabernacle, na Tucson na Tabernacle kisika pasteur ya Mpangi Green; Mpangi Victor Le Doux, mu ke bakula ti ya kele na kati ya tenta ya lukutakanu kieleka na yisi ya Avenue ya Parc kisika ya ke kwenda na Bala-bala ya nene 80, na kukwizaka nzila yayi. Mpe kana beno kele kuna mbasi na nkokila mpe na nkokila yina ke kwisa, ntangu nionso yandi ke vwanda kuna, beno kwenda kuwa yandi; mpe Danny lendaka vwanda na yandi. Mpe ya lendaka vwanda ti bawu ke na kuwaka na tabernacle na nkokila yayi, mu zaba ve.

²¹ Danny kwendaka na Jérusalem kaka na manima ya yawu, mpe tubaka ti yandi vwandaka kuna na ntoni na zulu ya ditadi yina . . . ditadi yina vwandaka nzutu ya Yesu, kaka na ntwala ya mvumbukulu ya Yandi. Mpe yandi tubaka, na mbala mosi mu kwisaka na mabanza ya yandi; mpe yandi tubaka ti yandi kwendaka mbangu, yandi bandaka na kudila, mpe yandi kwendaka na ngaanda. Mpe ba twadisaka yandi . . . Yandi kele bakala yina ke salaka bima na nzila ya matadi; yandi ke yidikaka matadi, mu zolaka kutuba. Yandi tubaka ti yandi kwendaka kisika yina ba tubaka ti ba telemisaka kulunsi, mpe yandi bulaka kaka . . . yandi katulaka mwa kitini ya ditadi pene mutindu . . . oh, ya ba-centimetele zole na ndambu, to kima mosi; yandi tulaka yawu na kati ya posi ya yandi, mpe yandi twadisamaka ti yandi lendaka nata yawu na yinzo.

²² Ntangu yandi salaka yawu, kima mosi tubaka na yandi, “Sadila Mpangi Branham babuto manchette na nzila ya yawu.” Na yina yandi tulaka yawu na kati ya acide, mpe yawu sobaka

ntinta katuka na ntinta ya mumesanu ya calcaire na ntinta ya jaspe ya menga. Mpe yandi salaka babuto manchette.

²³ Mpe ntangu yandi pesaka munu yawu, yandi monaka ve, ti ya ya vwandaka na nzila ya kusungama na kati-kati ya babuto nionso zole, ya kuludika. Mu kele na yawu na nkokila yayi, samu na kusambila samu na bambevo. Benó me mona, ntinta ya jaspe ya menga, mutindu menga ke na kutiamukaka; na nzila ya kusungama, ya kuludika na lweka mosi na yankaka. Kaka kieleka yina profesí ya yandi tubaka, “mbala mosi mpe nzila ya fyoti”; benó me mona, na profesí. Mu lakisaka yawu na yandi.

²⁴ Danny, kana nge ke na kuwa, nge to Mpangi Le Doux, to mosi ya benó, nkokila yayi ke vwanda nkokila ya mutindu ya ntama ntangu beto ke sambila samu na bambevo. Mu kele na kyese na kutambula yayi mbala mosi, nzila ya fyoti, nzila ya Nsangu ya mbote, nzila ya Ndinga, na Mfumu ya beto Yesu Klisto.

²⁵ Nzambi sakumuna benó nyonso. Ntangu yayi, benó kele mbote mingi na kuzonza, mu ke zonza kaka ntangu ya yinda mpe mu ke baka benó awa ntangu mingi. Billy tubaka ti ya kele na kati-kati ya bankama tatu na yiya ya bantu samu ba sambila bawu, na yina mu fwana sala nswalu na nsangu ya beto na nswalu nionso, mpe na manima kusambila samu na bambevo.

²⁶ Ntangu yayi, samu na bantu na Arizona, na Kilumbu ya sambanu yina ke landa na nkokila, beto kele kuna (beto lenda banza ata fioti ve na nkumbu ya mbanza yina) Yuma, na Arizona, na feti ya nene. Na yawu kuna, na Californie, beto ke landila kaka na Lumingu na suka, na Los Angeles mpe bisika yina ba zabisaka na ntwala ti ya kele kuna.

²⁷ Na nkokila yayi, mu zola kubaka dilongi na Masonuku.

²⁸ Na nzila ya yina, mu vwandaka ya kuvwanda na kati ya cafétaria bubu yayi, Cafétaria ya Morrison; Mpangi Jack, kento ya yandi, munu mpe kento ya munu. Beto kwendaka kuna na Cafétaria ya Morrison samu na kubaka mwa ntangu fioti kintwadi, beto vwandaka me basika ve kuna, bakento vwandaka ata fioti ve kintwadi. Ya vwandaka na ntwenya mosi ya bakala yina belamaka na munu, nkumbu ya yandi kele Green, yandi kele tata ya Mpangi Pearry Green. Mpe yandi tubaka, “Nge zaba, Mpangi Branham, nge vwandaka zonzila na ‘pince ya johnny’ na nkokila yankaka yina.” Ya kele kieleka. . . Yinki ya kele? Pince ya bansuki. Yandi tubaka, “Nge vwandaka zonzila na ‘pince ya johnny,’” yandi tubaka, “Mu natinaka nge ‘pince ya johnny.’” Yandi pesaka munu yawu.

²⁹ Ntangu yayi, ya kele “pince ya johnny,” bamama, benó kwenda ve kutula yawu na bansuki. “Pince ya johnny,” yandi tubaka—tubaka ti yandi ke sadila yawu bamvula mingi, samu na kukanga ba-page ya Biblia ya yandi. Na yawu yandi tubaka, “Mu ke pesa nge ya kieleka ‘pince ya johnny.’” Na yina, Mpangi Green, kana nge kele awa kisika mosi kuna to nge ke na kuwa,

beno bika mu tuba na beno ti “pince yayi ya johnny” kele kitoko, ya ke simbaka ba-page na mutindu ya kulunga.

³⁰ Ntangu yayi beto zola kukota na kati ya Masonuku kaka na ntangu yayi. Mpe mu zola ti beno baka na munu ntangu yayi na Psaumes 55, mpe dyaka Matthieu 3. Mpe dilongi ya munu na nkokila yayi vwandaka Mpangi Ernie: *Na Zulu Ya Mapapu Ya Yembe Ya Mpembe Mutindu Mvula-mpembe*. Ntangu yayi, mu ke vwanza ve na lenda ya kubaka banoti nyonso mpe Masonuku yina kele na munu awa, samu ti mu ke luta kaka fyoti ya bawu, mpe samu ti mu silaka nsangu.

³¹ Kana Mfumu kuzola, samu na Yuma na Kilumbu ya sambanu ke landa na nkokila, mu zola kulonga na zulu ya: *Bakondisyo Samu Na Enlevement*, kana Mfumu kuzola.

³² Na Psaumes 53 . . . Beno lemvokila munu, Psaumes 55.

Pesa dikutu . . . (Lemvo? 55, yinga, tata.)

Pesa dikutu na kisambu ya munu, O Nzambi; . . . bumbama ve na kulomba ya munu.

Widikila munu, mpe pesa munu mvutu: Mu ke niunguta na kati ya mafwa ya munu, mpe ke boka;

Samu na ndinga ya mbeni, samu na nkwasumu ya bantu ya yimbi: samu bawu ke tula disumu ya nkú na zulu ya munu, mpe na nganzi bawu ke yinaka munu.

Ntima ya munu ke na mpasi mingi na kati ya munu: mpe boma ya lufwa me kubwa na zulu ya munu.

Boma mpe kutekita kwisaka na zulu ya munu, kutekita ya boma me kufika munu.

Mpe mu tubaka, Oh kana ti mu vwandaka na mapapu mutindu yembe! na yawu mu lendaka pumbuka ntama, mpe kuvwanda na kupema.

Tala, na yina mu ke kwenda ntama, mpe mu ke bikana na ntoto ya kuyuma. Selah. (Selah zola kutuba “Amen.”)

³³ David, zola ya ntoto ya kuyuma, ntangu yandi kumaka na kiadi mpe bantu vwandaka kwikila yandi ve, mpe bambeni kwisaka na zulu ya yandi, yandi tubaka, “Kana mu vwandaka na mapapu ya yembe, mu zolaka pumbuka na ntoto ya kuyuma mpe kuvwanda kuna.” Bambala yikwa mu banzaka kima mutindu mosi! Kana mu lendaka katula munduki ya munu na kibaka, sakosi ya munu ya camp, kukwenda na ntoto ya kuyuma mpe kuvutuka diaka ve. Mu yufulaka Mfumu kana mu lenda zinga samu na kumona kilumbu . . . Mu ke zolaka ata fioti ve lukutakanu ya mafwa, Mu tubaka, “Kana mu lenda kwenda kaka na mfinda kisika mosi kuna, kuvwanda kiboba ‘Gris’ na yinti, . . .”

³⁴ Yina kele munduki ya munu, beno lemvokila munu, mu—mu—mu ke tuba yawu samu na kento ya munu ya kuvwanda

kuna. Beno zaba, munduki yina, Mpangi-bakala mosi awa pesaka munu bamvula me luta, Mu kufwaka makumi tanu ya baniama ya kudia na yawu, kukondwa disasi mosi, tii na bitezo ya bametele bankama sambwadi na bankama nana. Mu ke bokila yawu “Blondine” samu kento ya munu kele brunette, na yina yandi ke tubaka ti mu ke banzaka mingi na munduki kulutula yandi. Kasi...

³⁵ Na yawu, mu—mu ke zola kutula yawu na yinti, mpe kutuba, “Mfumu, bika Joseph kumona yawu kilumbu mosi.” Mu ke zolaka kubaka mapapu ya yembe mpe kupumbuka ntama.

³⁶ Kasi kaka mutindu kilumbu mosi na zulu ya myongo mpe na kutalaka mbote ngononi, mpe na kumonaka yandi kupumbuka ntama (beno zaba disolo ya munu ya yawu), Mu tubaka, “Ya kele mbote na kuvwanda awa, Mfumu; mutindu Pierre tubaka, ‘beto lenda tunga ba-tabernacle tatu.’ Kasi kuna na yisi ya mongo, bambevo mpe bantu ya mpasi ke na kuingila, bayina me zimbana mpe ke na kufwa ke na kuingilaka.” Na yawu beto sala yina beto lenda na yina ya kele kilumbu, mpe kilumbu mosi ya ke vwanda... mapapu ya Ngononi ya mpembe ke kulumuka, Yandi ke nata beto ntama.

³⁷ Ntangu yayi na Matthieu 3:16, mu ke zola kutanga 16 mpe 17.

Mpe Yesu, ntangu ba botikaka yandi, yandi basikaka mbala mosi na maza: mpe, tala, mazulu zibukaka na yandi, mpe yandi monaka Mpeve ya Nzambi ke kulumuka mutindu yembe, mpe nsemo na zulu ya yandi:

Mpe tala ndinga mosi me katuka na zulu, ke tuba, Yayi kele Mwana ya munu ya luzolo, na yandi mu me sepela mingi. (Na nzonzolo yankaka, “na kati ya yandi mu me sepela na kuzinga.”)

³⁸ Ntangu yayi beto zola tubila mwa fioti na zulu ya ndeke yayi. Yembe ke vwandaka ntangu nionso mosi ya bandeke ya munu ya mu ke zolaka mingi. Mpe mu vwandaka banza na yembe, yembe kele kieleka... mpe pizio kele ndeke mosi. Pizio kele yembe yina ba ke bokulaka. Bawu zole kele ya dibuta mosi. Mu me tala yawu mpe ya kele dibuta mosi. Pizio mpe yembe, bawu zole kele dibuta mosi. Bifu ya bandeke yayi kele ya kuswaswana.

³⁹ Mu longaka awa, mwa bamvula me luta, na lukutakanu mosi ya tenta awa na Mpangi Moore, na zulu: *Mwana-dimeme Mpe Yembe*. mu banza ti beno nionso ke bambuka moyo na yawu; mpe wapi mutindu yembe kele ndeke ya kulutula bunkete yina kele na beto, mpe mwana-dimeme kele kibulu ya kulutula pima yina kele na beto. Bawu zole kele bandeke ya munkayulu mpe kibulu.

⁴⁰ Wapi mutindu ya kele ya kufwanana kitoko mingi awa mutindu Yesu vwandaka Mwana-dimeme, mpe Nzambi vwandaka Yembe. Mpe yembe lendaka ve kuvwanda na kibulu, nkadulu ya yandi kele mbote ve. Ya zolaka vwanda

ve na zulu ya yimbwa, nkadulu ya yandi kele ya kulunga ve. Ya zolaka vwanda na zulu ya mwana-dimeme; nkadulu zole zolaka vwanda mutindu mosi. Mpe ya kele mutindu beto fwana vwanda, nkadulu ya beto fwana soba na musumuki yina ke boka na lembami ya mwana-dimeme.

⁴¹ Mpe beno me bakula ti Yembe twadisaka Mwana-dimeme? Mpe beno tala, Mwana-dimeme pesaka bima nionso yina Yandi vwandaka na yawu na Yembe. Mpe beno tala kisika Yembe twadisaka Yandi: samu na kukomama na kulunsi samu na masumu ya beto nionso.

⁴² Ntangu yayi, Yembe ya . . . Nzambi zolaka talisa Mwana ya Yandi, Yandi talisamaka na nzila ya kibulu ya kulutula kuvedila mpe ya mawete na zulu ya ntoto, kivangu na zulu ya ntoto; kasi ntangu Nzambi talisamaka Yandi mosi na mazulu, vwandaka na ndeke ya kulutula mawete mpe ndeke ya kulutula kuvedila yina kele na mazulu, yembe.

⁴³ Ntangu yayi, bayembe kele ya mitindu mingi, ya kele ya mitindu ya kuswaswana na kati ya bawu. Mingi-mingi kiduka yina beto zaba ke talanaka mutindu ndeke ya kunzuluka. Mpe kuna ya kele na yembe ya mafwa ya nene, mpe na yina ya kele na yembe ya nkokila. Ya kele diaka na yina ba ke bokilaka kiduka sonora yina kele na bayinzo ya beto, yandi kele mwa, kivangu ya mpemba; mwa kivangu, ya fyoti na banzila ya mbwaki na zulu ya mapapu ya yandi. Ya kele na mitindu mingi ya ba-bayembe, mpe bawu ke kota na bantinta. Mutindu mosi ya kele na ba-pizio.

⁴⁴ Ntangu yayi, yembe kele kaka kieleka yembe ya ntungulu ya ngitukulu, samu kikalulu ya yandi kele ti yandi lenda ve kudya kima yina kele mvindu; yandi lenda kaka ve kusala yawu, samu ti yandi me tungama ve samu na yawu.

⁴⁵ Ntangu yayi, mu ke tubilaka ntangu nionso yembe yina vwandaka kidimbu ya Nzambi, mpe ngoyi-ngoyi ke vwandaka kidimbu ya muntu ya luvunu. Ngoyi-ngoyi lenda vwanda na zulu ya bamvumbi ya ntama ya kufwa mpe kudya, kilumbu nyonso, mpe ke pumbuka mbala mosi na bilanga mpe kudya blé na yembe. Kasi yembe lunga kudia blé mbote mingi, kasi yawu lunga kudia ve kibulu ya kufwa. Beno me mona? Yandi lunga sala yawu ve, yandi lunga ve na estomac. Mpe mu vwandaka kukiyufula samu na yinki yandi lendaka ve kusala yawu; bawu zole kele bandeke, bandeke zole. Kasi samu na yinki? Ya kele ntungulu ya bawu.

⁴⁶ Ya kele mutindu ya kele na Muklisto ya kieleka. . . . kaka Muklisto ya denomination lenda baka kaka kima mosi, kasi Muklisto ya kieleka, yina me butuka mbala zole lenda ve kubaka bima ya yinza. Ba me tunga Yandi mutindu yankaka.

⁴⁷ Mu monaka ti yembe ke vwandaka na ndulangundu ve. Ya kele ve na ndulangundu na kati ya yembe samu ya ke na nsatu ya yawu ve.

⁴⁸ Na yawu ya kele mutindu ya kele na Muklisto, yandi ke na nsatu ya ndudi ve, beno me mona, samu ti yandi lenda kaka kudya Madya ya Nzambi. Mpe ya ke lomba ve ndudi samu na kusulumuna yawu; ya ke lomba zola, beno me mona, na yina yandi... samu na kusulumuna madia. Ndudi: “Oh,” bawu ke tuba, “mbote...” bawu ke swaswana na Yawu. Kasi zola ntangu nyonso kuzwa Yawu, Ndinga ya Nzambi.

⁴⁹ Ntangu yayi, yandi kele na ata ndulangundu ve, na yina yandi lendaka ve... ya ke kaka samu na yandi na kudia kima ya yimbi. Mpe kana yandi zolaka, ya zolaka kufwa yandi. Kasi ya kele ve na kima ya boma, yandi ke kudya yawu ve (uh-huh), samu ti yandi kele na ata nsatu ve samu na yawu.

⁵⁰ Mpe ya kele mutindu na Muklisto ya kieleka. Beno zaba ti Muklisto ya kieleka ke vwandaka ata fioti ve na disumu yina ba ke tangilaka yandi? David tubaka, “Kyese na muntu yina Nzambi ke tangila ve disumu.” Ntangu ba me sukula beno na Menga ya Mwana-dimeme (ve na nzila ya lukwikilu ya luvunu, kasi kieleka Menga ya Mwana-dimeme), Nzambi ke tangilaka beno ve kima yina me salama, samu ti beno kele na yisi ya Menga mpe Yandi ke mona yawu ve. Ya kele na munkayulu ya Menga; kima kaka yina Yandi lenda mona beno, ya kele mutindu Yandi monaka beno ntete mbandukulu ya yinza ntangu Yandi tulaka nkumbu ya beno na kati ya Buku ya Luzingu ya Mwana-dimeme. Kaka yina nyonso Yandi lenda tala, samu ti beno kele ya kuvuluka na nyonso yina salamaka, ba me sukula beno na Menga ya Mwana-dimeme. Na yina ya kele ve na ndulangundu na kati ya beno, samu ti Menga ya Mwana-dimeme me sala yayi; mpe Nzambi lenda ve kutangila beno disumu na manima beno me kuzwa dikabu ya disumu yina kele kuna ke na kuvingilaka beno.

⁵¹ “Mbote,” beno ke tuba, “yina ke pesaka munu bisika mingi kuna, Mpangi Branham, mu lenda sala yina mu zola.” Mu ke salaka ntangu nyonso; ntangu nyonso. Kasi ntangu muntu lenda mona kieleka yina Yesu salaka samu na yandi, mpe kubaluka mpe kusala kima ya kuswaswana na Yandi, ya ke lakisa ti yandi me yambaka ata mbala mosi ve Klisto.

⁵² Mu kele na mwa kento mosi ya kuvwanda na manima kuna. Yandi kele na bamvula kumi kulutila munu, mpe ya kele mpembe mutindu mu kele. Ya kele samu na yina yandi me telama na kati-kati ya munu mpe—mpe na ngaanda ya yinza. Kana mu vwandaka kwenda na bayinsi ya nzenza, mpe mu zolaka... Yayi ke vwanda ve mutindu mosi ya dibuta samu na kuzinga, kana mu ke vukisa dibuta ya munu pene-pene ya munu mpe mu ke tuba: “Tala awa, Mama Branham, nge zola bakula ti nge kele Mama William Branham. Nge ke vwanda ve na babakala yankaka na yina mu me kwenda. Kusala ve meso na muntu yankaka,” mpe bima yayi nionso. “Benoni ngana ata fyoti ve. Kana beno sala yawu, ntangu mu ke vutuka mu ke kufwa makwela na beno.”

⁵³ Mpe yandi ke baluka mpe ke tuba, “Ntangu yayi, bakala ya munu ya mbote, mu zola tuba na nge kima mosi mpe. Nge ke baka ve kento yankaka ntangu ke kwenda. Nge ke sala *yayi* ve mpe *yina*. Kana nge sala yawu, tala kaka ti nge me kufwa dikwela ntangu nge ke vutuka na yinzo.”

⁵⁴ Ntangu yayi, ya ke vwanda ve dibuta mosi ya luzolo? Beno me mona? Ve! Kana mu zola yandi kieleka. . . Ata ti mu ke sala kifu mpe mu ke vuna mpe mu ke sala kima mosi ya yimbi, Mu ke kwikila ti yandi ke lemvokila munu samu na yawu samu ti yandi ke zolaka munu. Mpe kana yandi sala yawu, mu ke kwikila ti mu ke lemvokila yandi samu na yawu; ya kieleka, samu ti mu zola yandi. Kasi kana mu zola yandi mutindu yina, ntangu nyonso yina mu zola yandi mutindu yina yandi kele na boma ve. Ata ti yandi zolaka lemvokila munu, mu zolaka ve kunyongisa yandi samu na kima mosi. Mu—mu—mu ke kuwa muntu ya kulutila kubwa na yinza, Mu lendaka vingila ve muniti yina mu ke tuba na yandi yina mu salaka, samu mu ke zolaka yandi. Mbote, ya kele. . . Kana mu zola yandi na zola ya *phileo* mutindu yina, wapi mutindu zola ya nene ya *agapao* ya munu kuvwanda na Yesu Klisto?

⁵⁵ Ata ti mu lendaka kunwa dikaya mosi, mu ke vwandaka na yawu ata fioti ve na luzingu ya munu; kasi ata ti mu zola, Yandi lendaka lemvokila munu samu na yawu, mu ke kwikila ti Yandi ke sala yawu. Kana mu kunwa malafu, mu ke na yawu na luzingu ya munu ata fioti ve, kasi mu ke kwikila ti Yandi ke lemvokila munu samu na yawu. Mpe mu zola Yandi mingi, (Nzambi, sadisa munu) mu zola ve kusala kima mutindu yina, beno me mona, samu ti mu zola Yandi. Kima yina me katukila munu, samu ti ntangu Yandi sobaka munu na ngoyi-ngoyi na yembe yina salaka luswaswanu, bansatu ya munu mpe bima me bika munu; na yina ba me tangila munu disumu ve samu mu ke na dibanza ya kusala yawu ve, ya kele ve na kati ya munu na kusala yawu.

⁵⁶ Ntangu yayi kima yankaka ya nene samu na yembe yayi. Yandi kele ndeke ya ngitukulu. Beno me monaka ntete bandeke nionso. . .

⁵⁷ Mosi ya bandeke ya munu ya luzolo kele rouge-gorge. Ntangu yayi, beno bana-babakala me bika kubula munduki ya munu, beno me mona, samu ti mu zola ve ti beno sala yawu. Rouge-gorge ya munu, beno zaba mutindu yandi vwandaka na ntulu ya yandi ya mbwaki? Beno zaba, kilumbu mosi ya vwandaka na Muntu mosi vwanda kufwa na zulu ya kulunsi, muntu mosi ve lendaka sadisa Yandi, Nzambi bikaka Muntu, mpe Yandi vwanda kufwa. Maboko ya yandi vwandaka na bansonso na kati ya bawu, makulu ya Yandi mpe lweka ya Yandi ya kubasisa menga, yimpu ya kimfumu na zulu ya yintu ya Yandi mpe matiti ya bansende, menga vwandaka luta na kizizi ya Yandi. Mpe ya vwandaka na mwa ndeke mosi lutaka, mwa ndeke mosi, ya mbwaki. Mpe yandi talaka yawu, vwandaka. . . yandi banzaka

ti ya vwandaka kumona ya kulutula mawa yina yandi monaka ntete ve. Mpe yandi zabaka ti yandi vwandaka kaka mwa ndeke ya fioti, kasi yandi talaka bansoso ya nene, ya ntama ya yimbi ya ba-Romain yina kwisaka na maboko ya Yandi, mpe yandi kwendaka mbangu na mwa yinwa ya yandi samu na kubenda yawu. Yandi kuzwaka ntulu ya yandi nionso ya kufulukuka na menga ya Yandi, kubanda ntangu yina ya ke vwandaka mbwaki. Mu zola ti ntulu ya munu kukangama na Menga ya Yandi, mpe, kunwanina Yawu ntangu mu ke kwisa samu na kukutana na Yandi. Mu ke zolaka mwa rouge-gorge.

⁵⁸ Kasi, beno zaba, mwa rouge-gorge mosi fwana yobila; kasi, beno zaba, yembe ke zolaka ve; ve. Yandi kele na mutindu mosi ya mafuta na kati ya yandi yina mafuta kele yandi mpe ke keba yandi ya kuvedila kubanda na kati tii na ngaanda. Beno zaba yawu? Yembe kele na yawu! Mafuta ya yembe yandi mosi. Beno me bakaka ntete mosi na maboko ya beno, mpe kunukuta nsunga ya yandi, pizio to kima mosi? Ya kele mafuta yina ba basisaka na kati ya yandi. Nzutu ya yandi ke salaka mafuta ke ngenga yina ke kebaka mapapu ya yandi ntangu nyonso ke sukula na ngaanda samu ti yandi kele ya kuvedila na kati. Ya kele kieleka. Yandi kele mwa ndeke mosi ya mbote.

⁵⁹ Ntangu yayi, mu zaba ti beno lenda zomba bawu awa, mu banza, na Louisiane. Kusala yawu ve! Oh, mu lendaka sala yawu ve. Mu banza ti kana mu vwandaka na nzala, ya ke vwanda mbote mingi, kasi mu—mu lendaka kaka ve kulutisa buto mosi kana mu lendaka sala yawu.

⁶⁰ Ya kele... Yembe ke vwandaka na kima mosi ya ngitukulu na kati ya dibuta ya beto. Kilumbu mosi ntangu nkooko ya munu ya kento... Yandi katukaka awa na Kentucky, ntama ya ndonga ya Cherokee. Yandi vwandaka kufwa, mwa kento mosi, mpe yandi vwandaka... Bawu kuzwaka... Mu banza ti ba ke bokilaka yawu scrofule to kima mosi, yandi vwandaka kufwa. Mpe nkooko ya bakala fukamaka na lweka ya mbeto; na yina Mama, Tante Birtie, Tante Howlie, bawu nionso fukamaka pene-pene ya mbeto; Noko Charlie, (mwana-bakala ya fioti, ya bamvula yiya) bébé; Mama, ya kiboba, yina vwandaka pene ya bamvula kumi na zole. Mpe yandi bendaka nsuki ya yandi ya ndombe na mbeto, mpe yandi bandaka na kuyimba, “Ditadi ya Bansungi, me pasuka samu na munu, bika mu bumbama munu mosi na kati ya Nge,” ntangu yandi vwandaka kufwa. Nkooko ya bakala, na ntangu yina, vwandaka Muklisto ve. Mu botikaka yandi na bamvula makumi nana na sambwadi, na Nkumbu ya Yesu Klisto, na makulu ya nzadi kuna kisika Wanzio ya Mfumu monikaka.

⁶¹ Kasi na ntangu yina yandi vwandaka yimba nkunga yayi, na mwa maboko ya yandi ya kulemba na zulu, yembe mosi pumbukaka na kielo; yandi kwisaka pene-pene, yandi vwandaka

na zulu ya mbeto, yandi bandaka na kuniunguta. Nzambi bakaka moyo ya yandi.

⁶² Mu kwendaka kuna na Londres, na Angleterre na Mpangi Jack mpe na Mpangi Gordon Lindsay, mpe ya vwandaka na kento mosi na nkumbu ya Florence Nightingale (ke tuba ti ya kele, mu banza, mutekolo ya ntama to kima mosi ya Florence Nightingale) yina sonikaka munu mikanda mingi. Yandi vwandaka kuna na Afrique du Sud, yandi vwanda kufwa na cancer. Mpe yandi vwandaka na foto; beno monaka yawu na buku. Mu me monaka ntete ve muntu ya kufwa mutindu yina na luzingu ya munu. Mpangi Jack, mu banza, vwandaka na munu kilumbu yina. Beto kotaka na yinzo ya mulongi mosi, na presbytere, kaka na manima ya yinzo-Nzambi yina ba nataka yandi.

⁶³ Na ntangu yina beto vwandaka ntete kuna na zulu . . . kisika mpepo vwandaka kulumuka, ba bokilaka beto na haut-parleur, mpe yandi vwandaka na kati ya ambulance kuna; ba nataka yandi na—na mpepo kubanda na Afrique du Sud, na kuzabaka ti mu vwandaka kwisa na Angleterre na ntangu yina. Longi nataka yandi na presbytere, na yina beto kwendaka kuna samu na kusambila samu na yandi.

⁶⁴ Mu me monaka bantu mingi ya kubela, kasi mwa maboko ya yandi vwandaka tala ve na zulu ya mosi na yankaka, mukwa ya yandi—ya yandi ya yintu kisika ya ke vukana, beno lenda mona yawu. Mpe yandi . . . binama ya yandi vwandaka awa pene-pene ya luketo ya yandi vwandaka ve na zulu ya *yayi*, pene ya ba-centimetre zole na ndambu, kaka mukwa. Mpe yandi lendaka ve kutelemisa maboko ya yandi, yandi vwandaka ya kulemba mingi na kutelemisa maboko ya yandi. Mpe yandi vwandaka meka na kutuba kima mosi, mpe mu vwanda bakula yandi ve. Mpe ntangu na nsuka ya nyonso mu kuwaka, mu ke kwikila na nzila ya infirmière, yandi tubaka, “Mpangi Branham, sambila ti Nzambi kubika munu kufwa.” Yandi lendaka ve . . . yandi zolaka ve kuzinga. Mpe mu talaka, mpe masa ya meso vwandaka kulumuka na lweka ya mukwa na kizizi ya yandi. Kisika yandi kele na madidi mingi samu na kudila ya yandi, mu zaba ve; samu misisa ya yandi vwandaka ya kukangama, mpe yandi vwandaka na konditsyo ya mpasi. Na kukwizaka samu na kusambila samu na bambevo, mu lendaka sambila ve samu na yandi na kufwa. Kasi yandi talanaka kaka mutindu yandi lendaka ve kufwa, yandi tatamanaka kaka.

⁶⁵ Mu fukamaka na pasteur ya beno, na kati ya kivinga ya kusambila. Mpe na ntangu mu fukamaka samu na kusambila, mwa yembe mosi ya fioti pumbukaka na nela; bandaka na kuniunguta. Ntangu mu manisaka na kusambila, mu banzaka ti ya vwandaka yembe mosi kuna kisika mosi kuna. Lubungi kele na ngaanda, wapi mutindu Angleterre kele, ba-Britanique kuna. Mpe mwa yembe yayi bikaka na kuniunguta, mpe kwendaka

ntama. Mu kwendaka kuna mpe tentikaka maboko na zulu ya yandi mpe bokilaka Nkumbu ya Mfumu. Mpe kento yayi kele kento mosi ya nene, ya ngolo ya mavimpi ya mbote bubu yayi, na zulu ya mapapu ya Yembe.

⁶⁶ Yandi ke sukula yandi mosi na kati. Muklisto ke salaka yawu mpe, yandi ke sukula katuka na kati. Yina ke bumba mayele ya yimbi. . . Yandi ke na nsatu ya kumina kima mosi ve, samu yandi ke kudiaka yawu ve. Benó me mona? Yandi kele ya kuvedila na kati.

⁶⁷ Ntangu yayi, beto ke mona ti ndeke yayi. . . Bima mingi yina mu sonikaka awa, kasi monte ke balukaka. Ndeke yayi vwandaka mpe ya sadilaka na Ngwisani ya Ntama samu na munkayulu, samu na kukatula-masumu mpe samu na kuvediswa. Beto tala kaka awa na Genèse 15:9. Beto banza na nzila yayi kaka mwa ntangu fyoti. Ntangu yayi, Abraham vwandaka. . . yufulaka Nzambi awa, wapi mutindu Yandi zolaka sala yayi. Mpe Nzambi ke vutula Ndinga ya Yandi na Abraham, mpe Yandi ke sala yawu na mutindu ya ngitukulu. Kubanda na. . . Beto banda na nzila ya lte. Benó zola ve kusala mbangu yayi.

Na manima ya bima yayi ndinga ya MFUMU kwizaka na Abraham na kati ya vision, . . .

Benó me mona, Abraham vwandaka profete, na yawu yandi monaka ba-vision.

. . . Vwanda na boma ve, Abraham: Mu kele kinwaninu ya nge ya kisengo, mpe. . . musendo ya kulutula. (Yehowa-Manassé, benó me mona.)

Mpe Abraham tubaka, Mfu-. . . tubaka, Mfumu NZAMBI. . . (Benó tala, M ya nene, "Mfumu NZAMBI." Elohim! Benó me mona?). . . Mfumu NZAMBI, . . . (na kati ya vision). . . yinki nge ke pesa munu, na kumonaka ti mu ke kwenda kukondwa mwana, mpe kibyadi ya yinzo ya munu kele Eliézer yayi ya Damas?

Mpe Abram tubaka, Tala, samu ti nge me pesaka munu nkuna ve: mpe, tala, yina me butuka na yinzo ya munu ke vwanda kibyadi ya munu.

Mpe tala, ndinga ya Mfumu kwizaka na yandi, na kutubaka, Yayi ke vwanda ve kibyadi ya nge; . . .

Salaka yandi nsilulu, benó zaba. Ve. . . Benó me mona, kaka kuna Abraham zolaka kubwa, kasi nsilulu kele kukondwa konditsyo; ngwisani, kukondwa konditsyo.

. . . kasi yandi yina ke basika na misopo ya nge mosi ke vwanda kibyadi ya nge. (Mpe yandi vwandaka na bamvula nkama na ntangu yina.)

Mpe yandi basisaka yandi na ngaanda, mpe tubaka, Tala ntangu yayi na mazulu, mpe tuba na bambwetete,

kana nge kele na lenda ya kutanga yawu: mpe yandi tubaka na yandi, Mutindu mosi nkuna ya nge ke vwanda. (Bakala mosi kukondwa mwana, mpe ntangu yayi na bamvula nkama mosi.)

Mpe yandi kwikilaka na MFUMU; mpe ba tangaka yawu samu na yandi na ludedomo.

Mpe yandi tubaka na yandi, mu kele Mfumu yina basisaka nge na Ur, kuna na kati ya ba-Chaldéen, samu na kupesa nge yinsi ya kubyadila.

Mpe yandi tubaka na Yandi, Mfu-...Mfumu...to Mfumu... na yina mu ke zaba ti mu ke byadila yawu?

68 Ntangu yayi beno kuwa yayi.

Mpe yandi tubaka na yandi, Baka munu ngombe ya bakala ya bamvula tatu, mpe nkombo ya kento ya bamvula tatu, ... (beno tala mbote tatu ntangu yayi, "bamvula tatu") ... mpe nkombo ya bakala ya bamvula tatu, mpe kiduka, mpe pizio ya ntwenya. (Bawu zole bantu mosi, bawu zole kima mosi. Beno me mona, ba sadilaka yawu na munkayulu yina yandi vwandaka tuba na ntuala Yesu.)

69 Ngwisani kusalamaka... Beno zaba, mutindu yandi pasulaka bawu, mpe mutindu ti yayi...

70 To na bantangu ya ntama, ntangu bawu bakaka... salaka ngwisani, bawu zolaka baka mpe kusonika ngwisani. Mpe ke kufwa kibulu, ke telama na kati-kati ya yawu; ke pasula ngwisani na kati ya zole, muntu mosi bakaka kitini mosi...

71 Mutindu ba-Chinois yina ke sukulaka bilele vwandaka kusala. Chinois yayi awa, yandi lendaka ve kusonika Anglais, na yina yandi vwandaka sonika na zulu kuna mpe vwandaka pasula kitini ya papié mpe pesaka beno kitini mosi. Mpe beno—beno ke bambuka moyo na ba-Chinois yina ke sukulaka bilele ntangu bawu vwandaka sala yawu. Mpe beno... bima ya bawu—ya bawu zole zolaka kufwanana, samu na kubaka bilele ya beno. Beno me mona, beno lenda vuna yandi ve, samu ti yandi vwandaka na nsongi yankaka ya yawu. Beno lendaka kukopie diaka nkumbu ya beno, kasi beno lendaka ve kupasula diaka papié yina. Beno me mona? Na yawu, yandi vwandaka... ya zolaka vwanda kitini mosi ya mukanda.

72 Na yawu ya kele mutindu bawu salaka yawu na bilumbu ya Esete, ntama... to ntama mingi ve na bilumbu ya Esete. Bawu ke kufwa kibulu, ke telama na kati-kati ya yawu, ke pasula kitini ya nkombo, mosi bakaka mosi... Mpe ntangu ngwisani siamisamaka, bawu vwandaka vukisa bitini kintwadi mpe yawu zolaka kufwanana na mutindu ya kulunga.

73 Ntangu yayi, yina Nzambi ke na kulakisa yandi awa kele yayi, na minkayulu yayi, ke na kuzonzila na Klisto; ti mutindu

Nzambi bakaka Yesu na Calvaire mpe pasulaka Yandi, mpe kuzwaka nzutu na Mazulu mpe fidisaka Mpeve na zulu ya beto, ti Mpeve mosi yina vwandaka na zulu ya Yandi fwana vwanda na zulu ya beno samu na kuvukana na Nzutu, samu na kuvwanda Kento ya makwela na ntangu ya nsuka. Beno me mona? Beno me mona? Ya kele kieleka. Beno me mona? Ya ke vwanda ve dénomination, ntangu yayi. Ya ke vwanda Ndinga, yina Yandi vwandaka. Beno me mona?

⁷⁴ Kasi mutindu Ndinga yina fwana kwiza na Ndinga, mutindu cellule na kati ya muntu. Beno zaba, ntangu ba me tunga nzutu ya beno—ya beno, ya kele ve cellule mosi ya muntu, yina ke landa yimbwa, mpe yina ke landa ngulu. Oh, ve, ve. Ya kele nyonso cellule ya kimuntu. Ya kele mutindu Nzutu ya Klisto kele, Ndinga nyonso ya Nzambi. Kaka kitini ya Yawu ve, mwa kinkulu ya kubwela na Yawu; ve, Ya kele *nyonso* Nzutu ya Klisto.

⁷⁵ Ntangu yayi, beto ke mona awa ti yandi sadilaka kiduka mpe pizio, samu bawu kele dibuta mosi kaka. Ntangu yayi, beno ntangu nionso. . .

⁷⁶ Na yawu beno tala (mu ke talaka kaka mwa Masonuku yayi) Lévitique 12, mpe nzila ya 6. Beto ke mona awa ti ba me vedisa yandi; kana kento vwandaka na bébé, yandi zolaka vingila. Kana ya vwandaka mwana-bakala, yandi zolaka vingila bilumbu makumi tatu na tatu ntete yandi kota na dibuundu na bayembe, samu na mvedolo. Kana yandi vwandaka na mwana-kento, yandi zolaka vingila bilumbu makumi yivwa na sambanu ntete yandi kota na dibuundu.

⁷⁷ Ntangu yayi beto ke mona awa, nzila ya 6.

Mpe ntangu bilumbu ya mvedolo ya yandi me lunga, samu na mwana-bakala, to samu na mwana-kento, yandi ke nata mwana-dimeme ya mvula mosi samu na munkayulu, mpe pizio ya ntwenya, to kiduka, samu munkayulu ya disumu, na kielo ya tabernacle ya dibuundu, na nganga-nzambi:

⁷⁸ Beno me mona, yandi lenda kota ntete ve samu ti bilumbu ya yandi me suka ntete ve, kasi yandi lenda pesa yayi na nganga-nzambi na kyelo, samu na munkayulu ya yandi. Beno me mona, to kiduka to pizio. Bawu zole kele dibuta mosi.

⁷⁹ Ntangu yayi ya—ntangu yayi ba vwandaka sadila yawu samu na kukatula-masumu, mpe na kukatula-masumu samu na disumu, yembe mosi. To ya kimbevo ya lépre, yina kele kifwanikusu ya disumu, beno me nata bayembe zole: ba zengaka yintu ya mosi, ba sengumunaka yandi na zulu mpe mwangisaka menga na zulu ya yina yankaka; mpe na yina yembe kumaka na kimpwanza. Mpe ntangu yembe pumbukaka, yandi sukulaka ntoto na menga ya yandi ya nkundi ya yandi, mpe menga bokaka na Nzambi, “Santu! Santu! Santu kele Mfumu Nzambi!”

⁸⁰ Beno lenda mona ve Bakala yina ke kufwa, Yesu Klisto? Ba kufwaka yandi mpe ba mwangisaka mwa maza na zulu ya beto, ti beto zolaka kwenda na kimpwanza, na kudilaka “Santu! Santu! Santu! keke Mfumu.” Yinki bifwanikusu yayi ya kitoko. Mu zolaka vwanda na ndinga ya kulutila kitoko.

⁸¹ Ntangu yayi beno fwanikisa Mpeve-Santu ya nene mutindu beto ke tangaka kaka na Apocalypse 3:16; sadilaka Nzambi samu na bidimbu, yembe yayi vwandaka.

⁸² Ba pesaka Noé kidimbu, mutindu mpangi vwandaka yimbila yawu. Nzambi sepelaka ve, mpe ya vwandaka ve na kima yina zolaka kukanga nganzi ya Yandi, samu Yandi tubaka, “Kilumbu yina beno ke kudia yawu, kilumbu yina beno ke kufwa.” Mpe Noé kuzwaka lemvo na Nzambi mpe tungaka nzasa landila balutungu...bandongosolo, mu zolaka tuba, ti Yandi pesaka yandi. Mpe yandi bandaka na kutepa na zulu ya masa.

⁸³ Mu lenda banza na yandi...yina salamaka na bilumbu yina ntangu bawu tubaka, “Kiboba yayi na zulu ya mongo, kiboba mosi ya fanatiki, vwandaka tunga nzasa, na kutubaka ‘ya ke noka,’ mpe mvula nokaka ata fioti ve.” Kasi yawu...

⁸⁴ Noé tubaka, “Ya ke noka, na mutindu nionso.”

⁸⁵ Mpe kuna mu zaba kilumbu yina yandi kotaka, mu banza yinki...mu lenda banza ve na wapi kilumbu ya vwandaka, Mu ke kwikila kilumbu ya kumi na sambwadi ya Ngonda ya tanu. Noé kotaka na nzasa, mpe Nzambi kangaka kielo.

⁸⁶ Mpe matuti bandaka na kukwisa, mvula bandaka na kunoka, bakanale ya masa bandaka na kufuluka, bayinto ya mudindu bukanaka, bayinto lukaka masa ya yawu nionso. Na nsuka bango bantu kotaka na bayinzo, mataka. Nzasa ya ntama vwandaka kaka kuna mutindu mosi.

⁸⁷ Na manima ya mwa ntangu ntangu fioti yandi bandaka na kubaluka pene-pene ya yandi, yandi bandaka na kumata na zulu mingi mpe na zulu mingi. Bantu konkotaka na myelo mpe bokaka, kasi ya vwandaka ve—ve na ata mbote, Noé zolaka zibula ve kielo. Nzambi kangaka yawu, Nzambi keke kaka Mosi lenda zibula yawu.

⁸⁸ Mutindu mosi ya keke na Nzasa ya beto, Yesu Klisto; Nzambi zibulaka kielo samu na beto na Calvaire, Yandi ke kanga yawu kaka kieleka mutindu Yandi zibulaka yawu.

⁸⁹ Mpe yawu tepaka, landilaka na kutepa, mu banza na bametele funda mosi na sambanu na zulu ya luse ya ntoto ntangu ntoto yayi vwandaka baluka ntangu ya...ya...orbite ya yawu ya mumesanu. Mpe ya vwandaka kwenda mpe vwandaka kwenda, bitini ya bima, mpe bayinti, mpe na zulu ya miongo mpe nionso yina, vwandaka kulumuka bilumbu mpe bampimpa makumi yiya.

⁹⁰ Mpe ntangu mipepe bandaka na kusukisa...

⁹¹ Nganzi ya Nzambi kele ya boma. Zola ya Yandi kele ya kuvedila mpe ya Kinzambi; mpe nganzi ya Yandi kele kaka mutindu Kinzambi—kaka mutindu zola ya Yandi kele, samu ti, Yandi fwana luta lufundusu samu ti Yandi kele zuzi. Yandi kele mupesi-musiku, mpe musiku kukondwa kitumbu kele ve musiku. Na yawu ya fwana vwanda na kitumbu samu na musiku. Mpe beno ke kufwa misiku ya Nzambi, ya kele ntangu beno ke futa kitumbu.

⁹² Ntangu yayi beto ke mona ti na manima Noé vwandaka leluka na zulu kuna, na ntembe ve ti yandi talaka mpasi ya mubu samu na makelele mpe kudasuka nionso, mpe nganzi ya Nzambi vwandaka boka mpe vwandaka dila, mpe vwandaka boka mpe nyonso yina. Na yina ya bandaka na kulembika, kima mosi ve salamaka. Bilumbu lutaka, kima mosi ve salamaka. Mu banza ti kibumbulu ya madia ya bibulu mpe nionso bandaka na kukulumuka, kima mosi ve salamaka. Na yawu yandi banzaka, “Mu ke kukiyufula. . . Mu lenda mona ve.”

⁹³ Ba vwandaka tunga nzasa (ntangu beno vwandaka mbala mosi na kati ya yawu), ya vwandaka kaka na nela mosi na kati ya yawu, mpe ya vwandaka kaka na zulu. Beno lendaka ve kutala na lweka yankaka, beno lendaka ve kutala nzila kasi mbala mosi na zulu. Mpe ya kele mutindu Nzasa, Yesu Klisto, kele. Beno lenda tala ve na muntu yina ke landa, beno lenda tala kima ve kasi Klisto ntangu beno kele na kati ya Nzasa samu ti ya kele kaka na kielo mosi, mpe Yandi kele Kielo yina beto tubilaka na suka yayi. Beno fwana tala na zulu, “Samu ti yandi yina ke tula diboko ya yandi na kima ya kubundudila ntoto mpe ke baluka na kutala na manima, ya kele ve ya kulunga samu na kubundula ntoto.”

⁹⁴ Ntangu yayi, mutindu na nzasa yayi. . . Mpe yandi lendaka mona nsemo, mpe mu banza nsemo ya mwini, kasi yandi kukiyufulaka wapi kisika yandi vwandaka. Nzasa vwandaka landila na kuleluka, yandi lendaka kuwa bitembo ya ngolo kuna na balweka, kasi yandi zabaka ti ya vwandaka na bilumbu mingi, ya kieleka maza vwandaka bendana na ntangu yina. Na yina yandi kwendaka mpe bakaka ndeke mosi ya luvunu, ya boma, mpe yandi mekaka *yandi*, mpe yandi fidisaka yandi. Yandi vwandaka ngoyi-ngoyi, mpe ngoyi-ngoyi yango vutukaka ata mbala mosi ve, samu ti yandi talaka kyese kuna, na ngaanda ya nzasa ya Nzambi. Yandi pumbukaka na nzutu mosi ya ntama ya kufwa, yandi bandaka na kudia banzutu ya bibulu ya kufwa mpe bima ya kupola yina vwandaka leluka na zulu ya masa; mpe yandi sepelaka kieleka na mutindu ya kulunga.

⁹⁵ Na yawu na manima ya bilumbu mingi yandi mekaka dyaka, samu ti yandi zabaka. . . Yandi zolaka ve kubasika na nganzi ya Nzambi. Na yawu yandi basisaka yembe. Mpe yembe yayi vwandaka ya nkadulu ya luswaswanu kulutila. . . Ya vwandaka ve ngoy-ngoy, to ve ndeke yina ke kudiaka bima ya kupola, ya lendaka kaka kudia bima ya bunkete ya kuvedila. Mpe

ya vwandaka ya kusepela mingi samu ya lendaka ve kuzwa kima mosi samu na kutula kitambi ya makulu ya yandi, yawu vutukaka na nzasa. Noé tubaka, “Mbote, kufuluka ya maza kele dyaka.”

⁹⁶ Na yina yandi vingilaka bilumbu mingi yankaka, mpe yandi fidisaka dyaka yawu; mutindu kisambu ya yandi, “O Nzambi, nganzi ya Nge me lembama? Ya kele—ya kele—ya kele nganzi ya Nge, Mfumu? Nionso me salama?” Mpe yandi tubaka, “Ntangu yayi, kana mu fidisa yandi na ntangu yayi, yandi lendaka vwanda kuna kana kufuluka ya maza me kulumuka, yandi lendaka vwanda.” Kasi yandi fidisaka yandi na nzila ya kisambu, mpe kuna ntangu yandi kwendaka kuna samu na kutwadisamaka na Nzambi, yandi zengaka dititi ya yinti ya olive, mpe vutukaka mpe bulaka diaka yinwa ya yandi na zulu ya nela.

⁹⁷ Nzambi sadilaka yembe samu na kidimbu mosi. Yandi vutukaka na kutubaka ti “kufuluka ya maza me manisa,” mpe kuna Nzambi zibulaka kielo, mpe bawu basikaka. Ya kele Genèse 8:8.

⁹⁸ Mpe sadilaka mpe na Matthieu 3:16, dyaka ntangu nganzi ya Nzambi vwandaka na zulu ya ntoto. Mpe ya vwandaka ve na mutindu, mpimpa ya mudidi mingi, na kati-kati ya mpipa, mabuundu vwandaka na bima na mutindu ya kubaluka tii ya vwandaka ve na mutindu ya kumasika na yawu. Mpe ya vwandaka na milongisi ya luvunu, mitindu nyonso ya bima yina vwandaka kwiza, bandinga ya mitindu nionso salamaka, kasi Nzambi sadilaka diaka yembe. Yawu sepelisaka Yandi, Mwana ya Yandi Yesu sepelisaka Yandi mingi, ti Yandi talisaka Yandi.

⁹⁹ Ntangu yayi, ba lendaka kwikila ve ti bébé yayi me butuka kuna na kati ya kidikilu yina na kati ya kidikilu ya matiti . . . na ntuala ya tata mpe mama ya Yandi, mutindu ba bokilaka bawu, kuvwanda bankwelani. Ba lendaka ve kubanza Nzambi kusadila kima ya mutindu yina. Na yawu Yandi zolaka kukitalisa na yinza; mpe kilumbu yina kuna na nzadi, ntangu Yandi kulumukaka samu na kusiamisa Yandi mosi Kisalu ya kulunga ya Nzambi (yina mu zonzilaka na suka yayi) . . . Ntangu Yandi tumamaka na kutambula na masa . . .

¹⁰⁰ Ntangu yayi, kana beno tala kuna, ya kele na leso ya nene. Jean vwandaka muntu ya kulutila nene na zulu ya ntoto, na ntangu yina. Yesu tubaka, “Ata mbala mosi ve ti bakala mosi me butama na kento mutindu yandi,” tii na ntangu yina. Mpe yandi vwandaka profete. Beno ke kwikila yawu? Ntangu yayi, beno bambuka moyo, kana Ndinga ya Nzambi ke kwisa na konso kima yina na yinsi, ya ke vwanda profete. Ya kele ntangu nyonso mutindu ya Nzambi. Beno ke kwikila ti Yesu vwandaka Ndinga yina me monisama na kati ya nzutu? Na yawu ya kele kaka na

mutindu mosi yina Yandi lendaka kwiza samu na kulakisa; ve na nzila ya banganga-Nzambi.

¹⁰¹ Yandi kwendaka ve mpe tubaka, “Caïphe, nge ke talisa Munu?” Kana Yandi salaka yawu, Yandi salaka kifu mosi yina David salaka na lesu ya beto kilumbu yina; beno me mona, kana Yandi kwendaka na dibuundu, mpe tubaka, “Nge ke talisa Munu?”

¹⁰² Beno tala kaka ntangu Yandi butukaka, mpe. Ntangu Yandi butukaka, Yandi butukaka na kivudi ya dibuundu. Mpe mu banza bawu vwandaka sala bangunga mpe nyonso, kasi ya vwandaka mivungi yina zabaka Yandi, mpe Bantu ya mayele. Beno me mona?

¹⁰³ Mpe awa Yandi kele ntangu yayi, na . . . me kubama samu na ministere ya Yandi. Mpe kana Yandi kele Ndinga . . .

¹⁰⁴ Landila manaka ya nene ya Nzambi, Ndinga lenda kaka . . . “Mfumu Nzambi ke salaka kima mosi ve tii kuna Yandi ke monisa Yawu ntete na bisadi ya Yandi baprofete.” Ya kele ntangu nyonso kifwani ya Yandi, fwana vwanda; ntangu Bidimbu kuzibukaka, ntangu kima yankaka. Mambu nionso ya nene ke salama na ntoto, Nzambi ke monisa yawu na baprofete ya Yandi.

¹⁰⁵ Mpe Jean vwandaka profete, samu ti yandi vwandaka pesa profesi “Yandi ke kwiza.”

¹⁰⁶ Na yina kuna na lweka ya mongo kilumbu mosi . . . ntangu kusolula vwandaka salama, nkonga ya banganga-Nzambi yina vwandaka pene-pene. Mpe bawu tubaka, “Nge zola tuba na munu ti nge ke kukibokila nge mosi ‘profete,’ mpe telema kuna na kati ya poto-poto yina?” (ve na dibuundu, samu ti bawu zolaka ve kuzwa yandi) “Telema na poto-poto yina, mpe tuba na munu ti ngunga ke kwisa ntangu Yehowa ya nene Yina tumaka minkayulu yayi, ntangu Yehowa ya nene Yina tungaka tempelo yayi, Yina kotaka na yawu mutindu Dikunzi ya Tiya, ‘kilumbu ke kwiza ntangu ba ke katula munkayulu yango ya konso kilumbu?’”

¹⁰⁷ Yandi tubaka, “Ya ke vwanda na Muntu mosi, mpe Yandi kele na kati ya beno ntangu yayi (kisika mosi kuna), mpe Yandi ke katula disumu.” Nganga-Nzambi vwandaka solula na yandi.

¹⁰⁸ Jean talaka na zulu! Ntangu yayi, yinki yandi kele? Profete! Mpe awa kele Ndinga, kuna me kwiza Ndinga ke kwiza mbala mosi kaka na profete, mbala mosi na maza. Jean tubaka, “Tala, Mwana-dimeme ya Nzambi yina ke katula disumu ya yinza. Yandi yayi, ya kele Yandi.” Yesu tubaka ata mbala mosi ve dyambu, kwendaka mbala mosi na maza. Mpe mu lenda mona kuna, ya kutelama na maza yango (beno banza na kimpa), zole ya kulutula nene yina me bulaka ntete ntoto: Nzambi Ndinga, mpe profete ya Yandi.

109 Beno tala, Ndinga kwizaka na profete na nsungi yayi ya lemvo, na kati ya maza (uh-huh). Mu banzaka ti beno ke simba yawu (uh-huh). Na kati ya maza! Luzayikisu ya ntete ya Ndinga vwandaka na kati ya maza. Ntangu yayi beno me mona kisika Kento ya makwela bandaka, Nsangu ya Nkokila? Na kati ya maza! Ndinga, Ndinga ya kieleka kele ve ya kuvukana na ba-credo, kasi kwizaka na profete na kati ya maza, na nzila ya maza.

110 Beno tala! Beno lenda banza na meso ya Ndinga mpe meso ya profete ke kutana na kati ya masa? Oh, yina kele kulutula mingi samu na munu. Kuna telemaka profete, kuna telemaka Ndinga, ke talana mosi na yankaka na meso. Mpe profete tubaka, “Mu ke na nsatu ya kubotama na Nge, samu na yinki Nge ke kwiza na munu?”

111 Mpe Ndinga tubaka. . . Ya fwana vwanda kieleka.

Ntangu yayi bika mu pesa kimpa mosi awa:

112 “Jean, nge kele profete, nge zaba Ndinga.” Beno me mona? “Nge ke ndima Munu, nge zaba Nani Mu kele.”

113 “Mu ke na nsatu ya kubotama na Nge,” Jean tubaka.

114 Yesu tubaka, “Bika ti ya vwanda mutindu yina. Ya kele kaka kieleka, beno fwana kuzwa mbotika ya Munu. Kasi beno bambuka moyo, Jean, na kuvwandaka profete, ya me tala beto, to kukuma na beto (mutindu Ndinga *mpe* profete), ti beto ke lungisa Ndinga *nionso*. Uh-huh. Samu ti, Jean,” (beno tala luzayikisu ntangu yayi) “Jean, beno zaba Nani Mu kele, Mu kele Munkayulu. Mpe landila Ndinga ya Nzambi, ba zolaka sukula munkayulu na ntuala ba monikisa yawu samu na munkayulu.” Ya kele kieleka? Ndinga. . . “Ba sukulaka mwana-dimeme mpe ba talisaka yawu samu na munkayulu, mpe mu kele Mwana-dimeme yina. Mpe mu fwana sukwama ntete ba monikisa munu na yinza samu na munkayulu. Beno bika yawu kuvwanda mutindu yina, Jean, samu ti ya me kuma na beto mutindu Ndinga mpe profete kintwadi.”

115 Mbote, ya lenda vwanda ve na kifu. Ntangu yayi, mosi na mosi ya bima yayi. . .

116 Ntangu yayi, beno me mona, kana ya vwandaka ve systeme yina ya kieleka, Jean zolaka vwanda mutindu mosi na mosi ya beto; na yawu bawu ke tuba, “Yinga, mu—mu zaba nani Nge kele, Mfumu.”

117 “Mbote,” Yandi tubaka, “vingila fioti, mu kele Ndinga. Uh-huh. ‘Muntu ke zinga kaka na dimpa ve, kasi na *konso* Ndinga.’ Eve bikaka mosi uh-huh, kasi beno fwana baka *konso* Ndinga. Mpe mu kele Munkayulu yango, mpe ba fwana sukula munu na ntuala ba monikisa munu. Kasi yina nge tubaka, Jean, kele kieleka.”

118 Jean na kuvwandaka profete, na kuzabaka ti Ndinga zolaka salama, yandi talaka yawu mpe botikaka Yandi. Mpe na ntangu

ba basisaka Yandi na masa, Nsangu yina katukaka na Mazulu na zulu ya mapapu ya Yembe, “Yayi kele Mwana ya Munu ya luzolo.” Yandi fidisaka Nsangu ya mpulusu ya lemvo na zulu ya mapapu ya Yembe, kulumukaka na zulu. “Ngemba na zulu ya ntoto, luzolo ya mbote na bantu.” Munkayulu vwandaka kaka ya kuyilama kuna; ba me sansama, ba pesaka madia, ministere ya Yandi vwandaka ya kukubama, Ndinga yina ke vulusa yinza ya muvimba, “Yawu me mana!”

¹¹⁹ Ba me sadila yembe na kati ya Biblia mutindu kidimbu ya ngemba, mpe diaka ba me sadila yawu na bayinsi mutindu kidimbu ya ngemba. Beto me kuzwa bayinsi. . . Yinsi ya beto me talisama na nzila ya ngononi. Mpe ya kele na bandeke yankaka ya bayinsi yankaka, Rome kele na ngononi, Allemagne kele na ngononi; mingi ya bawu, bandeke ya nene ya zulu. Kasi na kati ya bawu nionso, yembe ke talisa ngemba na bayinsi nionso. Yawu ke kima ya yinza ya muvimba.

¹²⁰ Kaka mutindu Mpangi Green tubaka nkokila mosi, Mpangi Pearry Green tubaka, “Kidimbu ya kupesa kele ‘beno telemisa maboko ya beno.’ Yinsi nyonso, beno telemisa maboko ya beno, yawu me pesama.” Yandi tubaka, “Ntangu nge ke yimba, telemisa maboko ya nge, nge pesa yawu nyonso.”

¹²¹ Mpe yembe kele kidimbu ya ngemba na konso yinsi. Samu na yinki ya me salama? Samu na lutondo ya yawu, mpe samu na kukondwa kifu ya yawu. Yawu yina ya ke talisa ngemba.

¹²² Kima yankaka samu na yembe, ya kele ndeke mosi ya luzolo na yinzo. Ya ke zolaka kubikana na yinzo.

¹²³ Mpe kima yankaka ya kele, ya ke vwandaka ntangu nionso ya kukwikama na bakala ya yandi. Yembe, bakala to kento, ke bika ata fioti ve mosi na yankaka. Kento ke kuzwa bakala ya yandi na nsungi ya zola. Benoit me mona, yina kele kubwela na luvangulu ya nene ya Nzambi. Ya kele samu na yina Yandi salaka Eve kima na nzila ya kima mosi. Benoit me mona? Kana ba salaka yandi mutindu bakento yankaka, ntangu ntangu ya zola kwisaka samu na ntangu ya zola ya yandi, yandi zolaka bakula bakala ya yandi; kasi yandi lendaka ntangu nyonso. Benoit me mona? Mpe ya kele mutindu, ya kele yina ya kele. Mu kaka. . . Beto zola ve kukota na yawu, samu ti mu kele na yawu na zulu ya *Makwela Mpe Kufwa Makwela*, mpe nyonso yina. Mpe mutindu ya. . . Kasi dyaka yandi kele ya lukumu mpe me nata ngolo yina, mpe benoit zaba mutindu mu longaka na zulu ya yawu nkokila yankaka yina. Mbote mingi, benoit tala, yandi kele na kizitu ya nene.

¹²⁴ Kasi yembe ke vwandaka ntangu nionso ya kukwikama na bakala ya yandi. Ntangu nionso! Yandi ke bika yandi ata fioti ve.

¹²⁵ Mpe bika mu telema awa na mwa ntangu fioti, samu na kutuba mutindu yayi: Kento ya makwela ya kieleka, yembe ya kento, kele ya kukwikama na Bakala ya yandi, mpe. Ya ke kotisa

ve ba-dogme, malongi nionso ya denomination, kima nionso ya yinza. Ya ke vwanda ya kukwikama na Mpangi ya yandi, Ndinga; ntangu nionso ya kukwikama.

¹²⁶ Mpe samu na nkadulu yayi ya kubikana na yinzo, samu na nzila ya nkadulu ya yandi ya kubikana na yinzo, ba sadilaka yandi na lunungu mutindu pizio ya kizieti. Samu ti ya ke zolaka yinzo, beno ke bika yawu kisika nyonso, ya ke vutuka ntangu nyonso na yinzo. Ya ke vutuka na yinzo.

¹²⁷ Beto ke zola kutuba yawu mwa ntangu fyoti, mpe beno Miklisto ke bakula yina mu zola kutuba. Yandi ke kuzwaka ntangu nionso nzila ya yandi samu na kuvutuka na yinzo, ya kele samu na yina ba sadilaka yandi mutindu pizio ya kizieti. Ba me sadila yawu na ntangu ya mvita, ba me sadila yawu; ba ke sadilaka yawu kaka, ba-pilule samu na kulonga nsangu. Na yawu beno me mona, yina ke sala yembe, na Nzambi mpe muntu, munati-nsangu; yembe kele munati-nsangu. Ya vwandaka munati-nsangu na Noé, samu na kutuba na Noé ti “ya kele dyaka na ngemba.” Ya vwandaka na Nzambi samu na kusiamisa ti yayi vwandaka Mwana ya Yandi, “Munkayulu samu na kunata ngemba na zulu ya ntoto mpe bantu ya mbote.” Ba sadilaka yawu mutindu munati-nsangu.

¹²⁸ Kaka awa mu kele na mwa disolo na mabanza ya munu, mu tangaka kilumbu mosi na buku mosi. Ntangu yayi, mu zola ve kutuba ti yayi kele kieleka, ya lendaka vwanda na *Nsuka Ya Mvita Ya Ntete Ya Yinza*. Mu ke ndima yawu ve ntangu yayi; kana beno kondwa kumona yawu, na yina mu kele na foti. Mu tangaka yawu na buku. . . ya me kuma bamvula mingi me luta. Kasi ya vwandaka kieleka. . . kieleka kima mosi ya boma yina salamaka.

¹²⁹ Basoda ya ba-Américain vwandaka ya kukangama na masasi ya tiya ya minduki ya ba-Allemand, mpe bawu vwandaka na mutindu ya dibulu. Beno basoda, mu banza, beno bakula mutindu bawu vwandaka na ngwisani kisika mosi kuna. Mpe bawu vwandaka ya kukangama, mpe bawu bikanaka kaka na mwa masasi fioti. Mpe ba-Allemand vwandaka kwisa na bimvuka ya nene, ba vwandaka kwisa bisika nionso. Mpe bawu zabaka ti ba zolaka kaka kuzwa nsimbisi, mwa lusalusu, ti na nswalu nionso bawu nionso ke kufwa; (ba zolaka) bantu ya Allemagne vwandaka kulumuka na mongo, lendaka kutala bawu kuna na zulu, mpe kutambula na zulu ya bawu mutindu yina.

¹³⁰ Mpe mosi ya bawu bambukaka ti yandi vwandaka na mwa mascotte, mwa pizio. Na yawu yandi zabaka ti pizio yayi, kana ya lendaka basika kuna, yandi zolaka kunata nsangu na quartier general ya ngudi na kisika yina bawu zolaka kutelema. Mpe na yina bawu vwandaka mpe sonikaka na zulu ya noti mosi, “Beto kele ya kukangama na kisika *yayi* na kizunga *yayi*. Beto kele

diaka ve na masasi, na mwa bangunga fioti beto ke kukipesa to ba ke kufwa beto.” Mpe bawu kangaka yayi, to kangaka yawu na makulu ya yembe yayi ya fioti mpe bikaka yandi.

¹³¹ Ntangu yayi, yandi kele ndeke ya luzolo na yinzo, na yawu yandi...yinki yandi ke sala? Yandi ke vutuka na yinzo samu na ya yandi...ke kutana, ke kuzwa mpangi ya yandi. Yandi vwandaka na boma samu na yandi, yandi zolaka vutuka na yinzo.

¹³² Mpe na yina yandi kwendaka kuna, ba-Allemand monaka yina salamaka. Na yawu kima yina bawu salaka, bawu bandaka kubula munduki na yembe. Mpe mosi ya bawu bulaka yandi na mitrailleuse, to disasi ya calibre .30, mpe bukaka yandi dikulu. Yina yankaka panzaka kitini ya nene ya mukongo. Ntulu ya yandi vwandaka nionso ya kulwala. Mosi ya mapapu ya yandi vwandaka kikata, nsuka bulaka yawu munduki, mpe yandi dumukaka na lweka. Kasi yandi landilaka na kumata, mpe na nsuka yandi salaka yawu. Kikata, kulwala, ya kubukana, ya kulwala, kasi yandi kubwaka na camp na nsangu. Yina vwandaka yembe ya nene.

¹³³ Kasi, oh, mpangi-bakala, Esaie 53 me tuba na beto na Mosi, yina katukaka na Yinzo mpe bayina nionso vwandaka mbote.

Mpe yandi lwalaka samu na yimbi ya beto, ba lwadisaka yandi samu na disumu ya nku ya beto: kitumbu ya ngemba ya beto kubwaka na zulu ya yandi; mpe na bamputa ya yandi beto me belukaka.

¹³⁴ Kimbevo, mabanza ya yimbi, mpe bampeve ya yimbi kangaka beto, ya vwandaka ve na nzila ya kubasika, dibuundu bakaka nzila ya yimbi, bawu kwendaka na bima ya denomination (mpe ba-Pharisien, ba-Sadducéen, mpe kusukula banzungu mpe malonga), mpe Ndinga ya Nzambi kumaka na kisalu ve. Kasi mwa Yembe yayi kulumukaka, mpe ya ke kaka na kima mosi lendaka salama: ya zolaka vwanda na mukudi.

¹³⁵ Kasi na kuvwandaka ya kulwala, ya kubukana, ya kubula, ya kupasuka, kasi Yandi zabaka nzila ya Yandi ya kuvutuka na Yinzo. Na yina katuka kuna na kulunsi ya Calvaire kisika bawu lwadisaka Yandi, ba diataka Yandi, tobolaka Yandi, mutindu kinkuku ya bibulu na zulu ya Yandi, Yandi salaka kupumbuka ya Yandi na Calvaire mpe Yandi kwendaka na myelo ya Mazulu, na kutubaka, “Ya me suka! Ya me suka! Ba kele na kimpwanza! Kimbevo lenda beluka ntangu yayi! Bansumuki lenda kuzwa mpulusu! Muntu ya kimpika lenda vwanda na kimpwanza!”

¹³⁶ Ata ti ba lwadisaka Yandi mpe lwalaka, bitumba yina ya nene kuna na ntangu bima nionso vwandaka telemina Yandi... Mpe muyimbi bokaka:

Na kati-kati ya matadi yina vwandaka
panzana mpe matuti ya mudidi,

Mvulusi ya Munu kulumusaka yintu ya Yandi
 mpe kufwaka;
 Kasi vwale ya kuzibuka monisaka nzila
 Na kiese ya Zulu mpe kilumbu ya kukonda
 nsuka.

¹³⁷ Mu vwandaka na kidi-kidi luzingu ya munu nionso. Mutindu mwana-bakala ya fioti ya vwandaka na kima mosi bulaka munu, yina pesaka munu boma, pene ya bamvula sambwadi nionso ya ke salama na munu. Mpangi Jack ke bambuka moyo ntangu mu bandaka ntete, mu katukaka na kilanga ya mvula mosi; kima mosi salamaka kaka.

¹³⁸ Mu ke bambuka moyo na kilumbu yina Juanita Hemphill Yandi pesaka buku. . . Mu banza ti nkumbu ya yandi kele Juanita Kelly ntangu yayi, yandi kwelaka Mpangi Kelly na manima ya lufwa ya bakala ya yandi. Anna Jeanne, mu kele na bafoto ya bawu mpe nyonso, ya vwandaka mutindu yina. . . Mpe yandi. . . Mpe bana-bakento zole mpe Mpangi-kento Moore vwandaka na mwa trio. Bawu vwandaka yimba nkunga yina mu me zimbana ata fioti ve: *Mu Talaka Na Manima Ya Kulala Ya Mwini*. Mpangi Jack, beno ke bambuka moyo, mu banza, yina katukaka na Floride. Wapi mutindu bana-bakento ya mbote.

¹³⁹ Mpe mu ke bambuka moyo na suka yina mwa nkonga mosi ya ba-Pentecotiste yina katukaka awa na kitini ya nord ya yinsi, na Michigan kisika mosi kuna, bana-bakento yina vwandaka kuna ntangu Mpangi Hooper. . . Mu monaka yandi awa nkokila yankaka yina, mu. . . yandi lendaka vwanda awa ve ntangu yayi, Mpangi Ed Hooper. Nge kele awa, Mpangi Ed? Mu banza ve ti yandi. . . Yandi vwandaka awa nkokila yankaka yina. Ata mosi ve. . . Mingi ya beno zaba yandi. Yandi na munu, mpe Mpangi Hooley, beto vwandaka kwenda. Mpe bana-bakento yina vwandaka kuna na nsongi vwandaka yimbila yawu, pesaka beto, mosi na mosi, rose ya jaune yina ba basisaka na bansuki ya bawu. (Ya kele kisika yina kilawu yina belukaka kuna, bima ya nene kusalamaka.)

¹⁴⁰ Na kumataka nzila kaka na kyese mutindu mu lendaka vwanda, na mbala mosi ya me bula munu; mvula mosi na ntwala mu kota diaka na kilanga, kufwaka munu kaka.

¹⁴¹ Kubanda mwana-bakala ya fioti, mu ke tubaka ntangu nionso ti mu me zaba ve yinki vision vwandaka. Mwana-bakala ya fioti, mu ke tubaka ntangu nionso, “Kana mu—kana mu lendaka kubwa kaka na kati ya mosi ya transe yango, mpe kumona yawu, mu ke beluka.” Na ntangu yina. . . mu vwandaka zola ntangu nionso kukwenda na Mayo samu na kutala yina vwandaka tambula mbote ve. Badokotolo kuna. . .

¹⁴² Estomac ya munu ke na kupela; mpe oh, la la! Mpangi Jack me sadisa munu na yinzo. Mu ke tambula kaka pene-pene ya yinzo; mpe kaka maza mosi ya tiya mutindu, ke basika na yinwa

ya munu. Mpe beno tambula na chaire, mpe beno sambila samu na bantu yina vwandaka mbala zole yimbi, mpe beno beluka. Mu vwandaka na bawu mu vwandaka tentika maboko ya munu na zulu ya bakala na cancer na kizizi ya yandi, mpe cancer bikaka kizizi ya yandi, ya kutelama kuna; mpe mu vwandaka ya kubela mingi ti mu lendaka ve kutelama.

¹⁴³ Mpe beno zaba ve wapi mutindu mu talaka mpasi; ya vwandaka kaka kimbevo ya kidi-kidi na yintu. Konso bamvula sambwadi ya me kwiza, luzingu ya munu nyonso. Ya kele kisika mu kele ntangu yayi, sambwadi ya bamvula nana.

¹⁴⁴ Na yina mu vwandaka—mu vwandaka na kiadi mingi; mu bokaka, mu dodokilaka, mu lombaka.

¹⁴⁵ Mpe mu ke bambuka moyo ntangu mu banzaka ti mu vwandaka na mbongo mingi samu na kukwenda na kizame ya Mayo; bawu tubaka, “Bawu ke mona yina kele mpasi ya nge.” Kento ya munu mpe munu, mpe Becky na manima kuna... Sarah vwandaka mwana ya fioti, ya nkufi. Mu kotaka kaka na ministere ya munu ya kubelusa. Mpe beto kwendaka na Mayo.

¹⁴⁶ Mu lutaka na clinique. Mpe na mpimpa yina na ntwala mu mona...mu zolaka sala bizame ya munu ya nsuka na suka yina ya kulanda, Mu vumbukaka kaka mpe mu vwandaka ya kuvwanda kuna na zulu ya mbeto vwandaka tala bisika nionso. Mpe mu talaka na ntwala ya munu, mpe ya vwandaka na mwana-bakala mosi ya fioti, yina vwandaka kaka mutindu munu, pene ya bamvula sambwadi; mpe talaka yawu, mpe ya *vwandaka* munu. Mpe yandi vwandaka ya kutelama pene-pene ya yinti mosi ya ntama ya chicot. Mpe na zulu ya yinti yina...

¹⁴⁷ Muntu nionso yina ke zombaka bampadi zaba ti beno lendaka kukwanga yinti mosi na kitini ya yinti mutindu yina na zulu mpe na yisi, mpe ya ke pesa boma na mpadi mpe ke basisa yandi kana yandi kele na kati ya dibulu.

¹⁴⁸ Mpe mu vwandaka mona kuna kisika mpadi yina vwandaka, mpe mu banzaka, “Wapi mutindu ya mpadi ya kele?” mpe mu kwangaka yawu. Mpe ntangu mu salaka yawu, mu talaka na lweka mpe ya vwandaka munu na manima pene ya bamvula makumi tatu na nana, mwana-bakala yango kufwaka. Na yina mu vwandaka kwanga divala yina, mpe kuna na kati ya yinti, kitini ya yinti, kwisaka mwa mpadi mosi ya yinda pene mutindu *yayi*, ya ndombe, ya ndombe kaka, mpe ya monanaka mutindu ti mwa ba-radiation vwandaka basika na yandi; mwa meso ya yandi ya kulutula fioti, ya vwandaka kima ya kulutula yimbi na kutala yina mu me monaka ntete ve, ya monanaka mingi mutindu belette kulutula mpadi.

¹⁴⁹ Mpe yandi talaka munu. Mpe mu zibulaka yinwa ya munu samu na kutuba, “Mbote...” Mpe na ntangu mu salaka mutindu yina, yandi... Na ntwala nge kanga disu ya nge, yandi lemukaka na yinwa ya munu, yandi kulumukaka na estomac ya munu, mpe

yandi vwandaka panza munu kaka bitini-bitini. Mpe mutindu mu basikaka na vision, na maboko ya munu na zulu, mu talaka, mu bandaka na kuboka, “O Nzambi, tala munu kyadi! Ya ke kufwa munu!”

¹⁵⁰ Mu kuwaka Ndinga mosi kuna na kati ya kivinga, kutuba, “Bambuka moyo, ya kele kaka na ba-centimetre makumi sambwadi na tanu.”

¹⁵¹ Bantu yikwa me kuwaka disolo yina? Mu tubaka na beno yawu bambala mingi, bantu pene-pene ya tabernacle.

¹⁵² Mbote, ya landilaka kaka mutindu yina, mpe mu talaka mpasi kaka mutindu yina.

¹⁵³ Bampangi ya Mayo, kilumbu yina landaka, salaka munu kizame. Bawu tubaka, “Tata ya nge vwandaka Irlandais, yandi vwandaka kunwa-malafu. Mama ya nge vwandaka ndambu Indienne, yina ke salaka nge kaka ndundu. Na yina nge ke vwanda . . . nge kele—nge kele—nge kele kaka na kitutu ya kidi-kidi tii kuna nge ke basika ata fioti ve na yawu.” Yandi tubaka, “Na mutindu yankaka, nge kele na mavimpi ya mbote. Kasi yina, yina kele kima mosi na kati ya moyo yina muntu lenda kuyala ve.” Yandi tubaka, “Nge ke . . .” Yandi tubaka, “Ntangu muntu ke kufwa, lenda ve kuvwanda autopsie, mpamba ve ti moyo ya yandi me kwenda.” Yandi tubaka, “Mbote, ata mbala mosi ve ti nge ke manisa yawu.”

¹⁵⁴ Mpe muntu yina tubaka, dokotolo ya munu ya kiboba, yandi tubaka, “Tata ya munu vwandaka na yawu, yandi kufwaka pene ya bamvula makumi nana na tanu, makumi yivwa,” kisika mosi kuna, yandi tubaka. Mpe yandi tubaka, “Ngonda mosi to zole na ntuala yandi kufwa, mu salaka yandi kizame; yandi vwandaka na yawu luzingu ya yandi nionso, yandi vwandaka baka bawu” yandi tubaka, “yandi vwandaka tuba.”

¹⁵⁵ “Bantu yankaka,” yandi tubaka, “bawu kele na nkadulu ya kudasuka”; yandi tubaka, “yina kele mutindu yina ke kufwa nge.” Yandi tubaka, “Mutindu yankaka, mutindu bakento na menopause, bawu ke dila. Nge kele na mutindu yina ya kuwa ya kulemba.” Yandi tubaka, “Bantu ya ntama vwandaka bokila yawu ti ‘yandi vwandaka na mpese,’ ya lendaka ve kubika bawu.” Yandi tubaka, “Ntangu ya ke bula nge, estomac ya nge; nge ke bela.”

¹⁵⁶ Mu tubaka, “Kasi, tata, mu ke sala kima mosi ve.” Mu tubaka, “Mu kele na kyese.”

¹⁵⁷ Yandi vutulaka mvutu, “Ya kieleka. Yina ke basika kaka na kati ya saki ya bumuntu.” Yandi tubaka, “Nge ke vwanda na yawu ntangu nionso.” Oh, wapi kima ya kiadi!

¹⁵⁸ Kasi bampova, na kubanza yawu, “Bambuka moyo, ya kele kaka na ba-centimetre makumi sambwadi na tanu,” yina me kangama na munu, mutindu kento ya munu ya luzolo na manima

kuna lenda tuba na nge. Mvula na manima ya mvula, mu banzaka yawu.

¹⁵⁹ Mpe na yina, mu vwandaka kwenda na bayinsi ya nzenza na mbala yayi me luta, mu vwandaka . . . na ntwala. Mbote, mu vwandaka vutuka na yinzo, mpe mu vwandaka na nzietolo ya kuzomba ya bampadi. Mu dumukaka na ditoma na Mpangi Banks Wood, yina ke na kuwa na nkokila yayi, mpe mu bandaka na kumata mongo, mpe mu talaka mutindu ntima ya munu vwandaka dumuka na zulu ya munu.

¹⁶⁰ Mpe mu yufulaka Docteur Sam Adair, mu tubaka, “Yinki ya ke sala?”

¹⁶¹ Yandi tubaka, “Na mbala yankaka nge ke kuzwa yawu, sadisa kizame ya ntima.”

¹⁶² Mu tubaka, “Mbote mingi.”

¹⁶³ Na yina yawu salamaka diaka na mvula ya kulanda, mpe mu kwendaka kusadisa kizame ya ntima. Yandi tubaka, “Kima mosi ve ke tambula mbote ve na ntima ya nge,” yandi tubaka, “nge kele kaka ya kudasuka.” Yawu bandaka na kumonisama kuna.

¹⁶⁴ Mbote, dokotolo yankaka tubaka na munu, nkundi ya munu ya mbote, yandi tubaka, “Yina kele ntima ya nge, bakala,” yandi tubaka “nge fwana sala keba.” Ya kele mvula mu bokilaka Mpangi Moore mpe yandi bakaka muntu samu na kulonga na kisika ya munu, ntangu mu kwendaka na kuzomba ya bamouflon na Mpangi Fred. Mu ke mata na zulu ya myongo kaka mutindu mu salaka ntangu mu vwandaka na bamvula kumi na sambanu, kilometre na manima ya kilometre, mu vwandaka kima mbangu; yina kwamisaka munu ata fioti ve. Beno me mona?

¹⁶⁵ Mu vutukaka mpe tubaka na Sam. Yandi tubaka, “Mbote, ya kele na kima ke tambula mbote ve, nge fwana sala keba.”

¹⁶⁶ Na yina mu monaka vision ya dokotolo mosi ya ntama ya kutelema na yayi. . . dokotolo mosi ya ntama na stetoscope na diboko ya yandi. Yandi tubaka. . . Yandi vwandaka ya kutelama na ntwala ya munu kilumbu mosi, yandi tubaka, “Kubika ve bawu kutuba na nge ‘yina kele ntima ya nge,’ yina kele estomac ya nge.”

¹⁶⁷ Na yawu, mu—mu banzaka, “Mbote, mu ke baka kaka ndinga yina, samu ya vwandaka vision. Kwiswa.”

¹⁶⁸ Mu bandaka na Afrika; kuzwa mwa bantunga. Mu zolaka baka nkonga ya bantunga ntete mu kwenda na Afrika, ya kele musiku. Na yawu, ntangu mu vwandaka baka bantunga yayi, yandi tubaka, “Kasi, mu lenda ve kuzwa kima mosi ya yimbi na nge.” Yandi tubaka, “Hemoglobine, menga ya nge kele na bamvula makumi yivwa na sambanu, makumi yivwa na sambanu.” Yandi tubaka, “Kana nge vwandaka na bamvula kumi na sambanu, ya zolaka vwanda ve—ya zolaka vwanda

mbote ve.” Mpe yandi tubaka, “Ntima mingi ke bula nge bamvula nkama mosi. Ba-poumon, nionso,” yandi tubaka, “nge kele mbote mingi; sukadi ve, kima mosi ve.”

¹⁶⁹ Mu tubaka, “Matondo na nge.” Na yina mu kuzwaka kumekama ya nzutu, mpe—mpe mu bakaka mukanda ya mavimpi ya munu—ya munu na nkonga.

¹⁷⁰ Na yawu, yandi tubaka, “Nge zaba kima mosi samu na yawu?”

¹⁷¹ Mu tubaka, “Kima yankaka ve kasi me toka na kifundu ntangu nyonso.”

¹⁷² Yandi tubaka, “Mbote, mu ke tuba na nge.” Yandi tubaka . . .

¹⁷³ Mu tubaka, “Oh, ba me sala munu kizama. Ba me sala munu na Bampangi ya Mayo, mpe bisika nyonso.”

¹⁷⁴ Yandi tubaka, “Kasi vingila fioti.” Yandi tubaka, “Bantangu yankaka mputa kele fyoti mingi ti faline yango ke lakisa yawu ve; mpe bantangu yankaka ya kele nene mingi samu na kulakisa yawu, samu ti radiographie kele kaka kivudi. Mpe mwa mputa ya kifundu, beno lendaka ve kumona yawu, ya ke kangama mingi ve. Kinkuku ya mwa bamputa ya kifundu lendaka sala yawu.” Yandi tubaka, “Mu zaba dokotolo mosi ya kiboba awa yina me kuzwa kisadilu, ba me kuzwa yawu ntangu yayi; ba lendaka tula beno na mpongi na mwa pentothal ya sodium, ba ke kotisa tube mosi na laka, mpe kieleka bawu ke tala kaka na kifundu ya beno mpe ke mona yina ke tambula mbote ve.” Yandi tubaka, “Yandi . . .” Yandi tubaka, “Yandi kele mutindu ya beno ya bantu, yandi kele Muklisto.” Yandi tubaka, “Samu na yinki nge ke kwenda mona yandi ve.”

¹⁷⁵ Mu bakaka nkumbu ya yandi: Docteur Van Ravensworth. Na yina, ntangu mu vutukaka, mu kwendaka kutala kiboba ya dokotolo yango. Oh, yandi kele muntu ya mbote me katuka na Dutch East Indies, na ngaanda ya nzila ya nene ya ba-missionnaire. Mpe yandi kuwaka munu mpe tangaka buku ya munu, mpe oh, yandi pesaka kaka munu mbote, yandi tubaka, “Mpangi Branham, mu ke vwanda na kiese na kusala yawu samu na nge.” Yandi tubaka, “Tuba na nge yinki ya kusala; sabala ke kwisa nge ke kwenda mbangu kuna na lupitalu,” mpe yandi tubaka, “mpe bokila munu na ntuala ya nge kwenda.” Mpe yandi tubaka, “Mu fwana pesa nge mwa ntunga ya pentothal.” Mpe yandi tubaka, “Na yina ntangu mu ke sala,” yandi tubaka, “ya ke tula nge na kulala baminuti tanu.”

¹⁷⁶ Mwa mwana ya munu ya kento bakaka kaka yawu na cure-dent, mpe mwa mwana ya kento ya Mpangi Norman. “Na mwa ntangu fioti me lala,” mu banzaka, “yina ke kwamisa munu ve.” Na yina, mu banzaka ti mu ke sepela na ntangu yina, samu na kutala yawu.

177 Mpe na yina na suka yina landaka, mu telemaka na mbeto mpe mu talaka na nziunga, mu talaka kuna na mbeto; kento ya munu kuna, yandi vumbukaka ntete ve. Mpe mu vwandaka tala na nela na Miongo ya nene ya Catalina kuna kisika mu vwandaka zinga, mpe mu talaka kuna kisika Wanzio ya Mfumu tulaka Mbele yina na diboko ya munu, kisika Bawanzio sambwadi yina beno ke mona na foto monikaka, bima ya nene salamaka.

178 Mpe mu talaka, mpe mutindu mu talaka, kuna mu vwandaka ya kutelama pene-pene ya yinti yango dyaka, kaka kisika mpadi yango vwandaka. Mu talaka na zulu kuna, mu banzaka, “Ya kele yinzo ya bampadi yina.” Mpe mu banzaka, “Mu ke kukiyufula kana yandi kele kaka kuna na zulu?” na vision. Mu zibulaka lweka ya yinti, yandi basikaka. Mpe na ntwala mu lendaka kubweta disu ya munu... Yandi vwandaka mpadi na kutala ya ngitukulu yina mu me monaka ntete ve; ntangu yayi, beno fwana zaba ministele ya munu na kuzaba bidimbu yayi mpe nyonso. Yandi dumukaka na munu kasi yandi kondwaka munu; yandi kondwaka yinwa ya munu, bulaka na ntulu ya munu mpe kubwaka.

179 Mpe kaka na ntangu yandi salaka yawu, mu kuwaka Kima mosi tubaka, “Kwenda na Miongo ya Catalina.”

180 Na yawu mu balukaka, mu tubaka, “Meda, nge me vumbuka, Cherie?” Mpe mu vumbulaka yandi.

181 Yandi tubaka, “Yinki kele diambu?” Pene ya ngunga tanu na suka.

182 Mu tubaka, “Mu vwandaka tala awa, mpe mu monaka mpadi yina dyaka, Cherie.”

183 “Yinki mpadi?”

184 Mu tubaka, “Yina mu monaka kuna na Mayo.” Mu tubaka, “Nge zaba yinki? Yandi kondwaka yinwa ya munu na ntangu yayi, yandi bulaka munu ata mbala mosi ve, yandi basikaka na ntulu ya munu.” Mu tubaka, “Lukumu na Nzambi! Mu talaka, oh, kubanda mwana-bakala ya fioti, mu vwandaka sosa kumona yawu kusalama. Kana mu lendaka mona yawu kusalama, mpe ve... Ntete mu zaba yina vision vwandaka, kana mu lendaka mona yawu kusalama, na yina mu tubaka, ‘Mu ke vwanda mbote mingi. Nionso yina me tuba na munu, yawu yina mu ke vwanda.’ Mpe bamvula makumi yiya mu me vingila yawu, mpe kuna yawu salamaka.”

185 Na ntwala, ntangu mu vwandaka na Mayo, na ntangu mosi mu vwandaka kuna ntangu ba pesaka munu nsangu yina, mpe mu monaka vision...

186 Mama ya munu ya kiboba kwendaka na Nkembo ntangu yayi, kento ya ngitukulu. Yandi vwandaka na bandosi tatu to yiya na luzingu ya yandi, mpe bawu vwandaka ntangu nionso ya kieleka. Yandi ke tuba na munu, mpe... Yandi ke banda na

kutuba na munu, mu ke tuba . . . mu ke tuba, “Telema kaka . . . Mama, mu ke tuba na nge yina yankaka ya yawu kele.” Beno me mona?

¹⁸⁷ Samu ntangu nyonso ntangu beno ke pesa munu ndosi ya kutendula, beno ke tubaka na munu kaka ve kieleka yina ya kele. Na yina ntangu mu ke mona yawu diaka, mu ke mona kieleka yina nge lotaka, na yina Yandi ke tuba na munu yina yawu kele. Beno me mona? Beno fwana ve kutuba na munu yina kele ndosi, Yandi ke lakisa munu ndosi Yandi mosi. Beno me mona? Mpe na kuna mu ke mona, mu ke tuba, “Mbote, nge tubaka na munu *yayi* ve mpe tuba na munu *yina*.” Beno me mona? Mpe na yawu Nzambi yina lenda tendula ndosi mosi, lenda talisa ndosi mosi; Yandi lenda talisa mosi, Yandi lenda tendula yawu. Mpe na yawu kuna . . .

¹⁸⁸ Mbote, ya vwandaka ve na kima mutindu yina na kati ya Biblia, yina tubaka, “Kana nge lenda . . .”? Mu—mu . . . Ya salamaka kaka na munu. Daniel, mutindu yina ve? Ve, Joseph—Joseph. Mbote, ya kele kisika mosi na kati ya Biblia. Mu me bambuka kaka moyo na yawu, mu tubaka, “Kana nge lenda lakisa munu . . . Kana nge lenda tuba na munu yinki . . .” Oh, ya kele Ntinu Nebucadnetsar, ya kele kieleka. Yandi tubaka, “Kana nge lenda . . . Kana nge lenda ve . . .”

¹⁸⁹ Banganga-nkisi tubaka, “Tuba na munu ndosi.”

¹⁹⁰ Yandi tubaka, “Ya me katukila munu.” Ya kele kieleka, ti, mu ke bambuka moyo na yawu; mu banzaka kaka na yawu kuna.

¹⁹¹ Ntangu yayi beno tala. Mpe Mama, yandi tubaka, “Billy,” ntangu mu vutukaka, yandi tubaka, “kwisa awa, mwana, mpe vwanda.” Yandi tubaka, “Mu kuzwaka ndosi ya ngitukulu. Mu lotaka ti mu monaka nge ya kulala ya kubela, kaka na kilokolo ya kufwa, na kifundu ya nge mutindu ntangu nyonso.” Ba-filet yikwa yandi me lamba munu! Mpe yandi tubaka, “Nge vwandaka tunga yinzo na zulu ya mongo.” Mpe yandi tubaka, “Mu me mona bayembe sambanu ya mpembe kukulumuka na zulu, ke sala makelele, na kisono ‘S’ mpe ba vwandaka na zulu ya ntulu ya nge. Mpe beno vwandaka tala, mpe yina na ntuala vwandaka meka na kutuba na beno kima mosi.” Yandi tubaka, “Ya vwandaka bayembe, ya mpembe, ya mpembe ya ngolo. Mpe bawu bakaka mwa bayintu ya bawu mpe kangaka yawu na matama ya nge, mpe vwandaka sala, ‘cou, cou, cou.’” Mpe yandi tubaka, “Mu vwanda bakula yawu ve.” Yandi tubaka, “Bawu vwanda landila kaka na kusala, ‘cou, cou, cou.’”

¹⁹² Mu tubaka, “Oh, mu me mona yawu, lukumu na Mfumu!” Mpe yandi tubaka, “Ba salaka kisono ya bawu ‘S’ dyaka mpe vutukaka na mazulu, ba vwandaka sala ‘cou, cou, cou, cou,’ na kuvutukaka na yinzo.”

¹⁹³ Mbote, mwa kibulu yina mu monaka vwandaka na ba-centimetre makumi sambwadi. Nsinga ya bayembe yina Mama

monaka vwandaka sambanu, sambanu kele ya kulunga ve. Mu zabaka ti kilumbu mosi mu ke mona yina ya sambwadi. Ya vwandaka bakala, yina vwandaka kubela; ya landilaka mutindu yina na mwa ntangu fioti.

¹⁹⁴ Na suka yina, mu vumbukaka na manima ya kumona vision yayi; mu tumamaka na Mfumu. Mu bakaka mwana ya munu ya bakala, Joseph, na lukolo. Yandi ke na kuwaka munu ntangu yayi, na Tucson. Mu nataka yandi na lukolo, mpe mu tubaka na Meda mu zabaka ve ntangu mu ke vutuka.

¹⁹⁵ Mpe mu kwendaka kuna na Catalina, kuna na kati ya bandandani ya miongo, mpe—mpe kwendaka na kisika yina Wanzio ya Mfumu tulaka Mbele na diboko ya munu. Na ntangu ya mbote; mpe bandaka na kumata mingo.

¹⁹⁶ Mbote, na kisika ya kumata na bansongi ya miongo ya nzila yayi (yina kele na banyoka mingi, bankala-nseke, beno zaba mutindu Arizona kele), mu balukaka na diboko ya munu ya kibakala; Kima mosi tubaka, “Baluka na diboko ya nge ya kibakala.” Mu kwendaka kuna na zulu na bansongi ya miongo; Mu kwendaka kuna, mpe mu vwandaka kwenda pene-pene ya matadi yina ya nene, bambala mingi kulutila tabernacle yayi, na kuvwandaka kuna na nsongi kisika wapi muntu mosi ve lendaka kukuma.

¹⁹⁷ Mpe pene ya ngunga kumi na mosi, mu kumaka na mwa crique mosi, kuna kisika mwa . . . mwa kisika mosi ya kubaluka mutindu yayi pene-pene ya mwa lupangu ya bamvudi. Mpe mu katulaka simisi ya munu, yimpu ya munu na diboko ya munu, samu ti mu vwandaka kaka ya kukangama na mutoki. Mpe na yawu mu balukaka kuna, mpe na yina mu balukaka na mwa yinzo yina ya fioti, mu kuwaka mvwandulu ya Mfumu. Mu me katula yimpu ya munu mpe me tala bisika nyonso. Mu banzaka, “Yandi kele awa kisika mosi. Mu zaba ti Yandi kele awa.” Mu banzaka, “Yinki ya kele?” Mu salaka bitambi fyoti dyaka. Mu tubaka, “Mfumu, Nge kele awa kisika mosi.”

¹⁹⁸ Mpe mu talaka na zulu ya nzila, mpe ya vwandaka na mwa mpadi yango; yandi lemukaka na zulu ya kima mosi mpe zimbisaka yawu, yawu bulaka kinkuku ya ba-chollas (ya kele cactus yina ke lemukaka). Yawu tobolaka yintu ya yandi, ntulu, kifundu, mpe yandi kufwaka. Mwa mpadi yayi na mwa yinwa ya ngitukulu, yandi kondwaka yinwa ya munu mpe bulaka cholla yina. Mpe Ndinga ya Mfumu tubaka, “Mbeni ya Nge me kufwa.” Mu telemaka kuna, mpe mu tekitaka. Mu bakaka dikulu ya munu mpe ma- . . .

¹⁹⁹ Na numesanu bangoy-ngoy zolaka kudia yawu. Mu kufwaka nyoka, mwa bilumbu na ntwala kulutila yina, ya vwandaka na nzila pene ya kati-kati ya ngunga mosi. Ya ke vwandaka ntangu nionso na bangononi mpe bangoy-ngoy ke lutaka kuna, mpe ba ke lokotaka bawu na mbala mosi. Mu kufwaka nyoka ya

ngolo, ya kele nyoka ya boma mingi yina kele na beto; ya kele kaka na lweka ya munu, bilumbu fyoti na manima ya yawu. Mu bandaka na kuvutuka samu na kulokota yawu mpe kulakisa yawu, bangoyi-ngoyi lokotaka yawu, bangoy-ngoy yina lutaka kuna.

²⁰⁰ Mpe yina vwandaka kuna kubanda mu monaka vision, bilumbu zole na ntuala; Mu ke kwikila ti ya vwandaka na Kilumbu ya sambanu, mpe mu kwendaka kuna na Kilumbu ya ntete. Na yawu kuna yandi vwandaka, ya kulala kuna ya kufwa. Mu diataka yawu na dikulu ya munu.

²⁰¹ Mu vutukaka, mu vwandaka diaka; mu vwandaka kuna mpe mu bokaka mwa ntangu fioti, mpe mu sambilaka; na kutalaka kuna na Tucson, na bakilometre na yisi ya munu.

²⁰² Ya balukaka mpe vutukaka, ya vwandaka kaka kuna. Ntangu mu kotaka na crique yina Mpeve ya Nzambi kwizaka dyaka na zulu ya munu.

²⁰³ Mu landilaka na kutambula, mu kulumukaka na mongo. Mu kotaka mpe tubaka na kento ya munu, mu tubaka, “Cherie, mu zaba ve wapi mutindu, kasi mu ke kwenda na zulu ya yayi.”

²⁰⁴ Docteur Ravensworth, ntangu yandi pesaka munu kizame, yandi tubaka, “Ya kele ya muvimba mpasi samu na nge na kubeluka.” Yandi pesaka munu ntunga ya pentothal yina zolaka wumela na munu baminuti tanu, mpe mu lalaka bangunga kumi. Mpe bankisi yina, ata mpe aspirine ke pesaka munu mpongi. Mpe bawu... Yandi pesaka munu ntunga, yandi kotisaka tube yina na kati ya laka ya munu. Ntangu mu kumaka, mpe yandi tubaka na munu suka yina landaka, yandi tubaka, “Révérend, mu ke zolaka ve kutuba na nge yayi, kasi” yandi tubaka “bibaka ya nge ya estomac kele mpasi mingi, yawu me yumaka.” Mu me monaka yawu ata fioti ve; yandi sadilaka nkumbu ya *gastrite*, mpe mu kwendaka mpe talaka na kati ya dictionaire mpe yawu tubaka, “kima yina me zimbanaka.” Mpe yandi tubaka, “Nge lenda ve kuluta na zulu ya yawu.” Yandi tubaka, “Nge ke kuzwa yawu ntangu nionso.” Mpe mu zolaka vwanda mwana-bakala ya kulemba kana ya vwandaka ve samu na vision ya Mfumu.

²⁰⁵ Mpe kilumbu yina landaka Kima mosi tubaka, “Vutuka na mongo.”

²⁰⁶ Mpe kilumbu yina na kisika ya kukwenda nzila mosi, ba twadisaka munu na kukwenda nzila yankaka. Mpe mu vwandaka ya kutelama kuna; mpe vwandaka tala, ya kuvwanda na ntuala ya munu, mpe kuna vwandaka yembe yina ya fioti, ya mpembe, yina vwandaka tala munu. Mu nikaka meso ya munu, mu tubaka, “Ya kieleka, ya kele vision; ya kieleka, ya kele.” Mu talaka, mpe mu tubaka, “Yembe ya fioti, wapi kisika nge me katuka?” Kaka mutindu kitoko mpe mpembe, lendaka vwanda pizio; nyonso yina ya vwandaka, ntama na ntoto ya kuyuma yina.

207 Nzambi ya Ngolo nionso, Yina vumbulaka Yesu Klisto na lufwa, Yina mu kele kisadi, mpe Ndinga ya Yandi kele awa, kuzibuka na ntwala ya munu, zaba ti mu ke tuba kieleka mpe ke vunaka ve.

208 Yembe vwandaka kuna, ya kuvwanda kuna ke tala munu. Mu belamaka, mu banzaka, “Ya kieleka, ya kele vision.” Mu balulaka yintu ya munu, mu talaka na manima, mpe kuna yandi vwandaka; mwa mapapu yango, ya mpembe, kaka mutindu mvula ya mpembe zolaka vwanda; mwa makulu ya yandi, jaune; mpe mwa, jaune; vwandaka kuna ke tala munu. Yandi vwandaka tala kaka mbala mosi na wesete. Mu belamaka pene-pene ya yandi mutindu *yayi*, mu zolaka simba yandi ve samu na kima mosi ve. Mu mataka na nzila; mu talaka na manima, mpe kuna yandi vwandaka tala munu kaka.

209 Mpangi, mutindu mwana ya Abraham, mu ke tala ve yina dokotolo tubaka na munu, mu ke beluka, na mutindu nionso!

210 Kilumbu ya tatu mu vutukaka, mu vwandaka mata na zulu. Mpe mingi kati ya beno zaba vision yina me tala mfumu ya Indien yina ke tambula na zulu ya mwa kibaka yina na weste. Kima mosi bendaka munu na ditadi ya nene, pene ya midi, yandi tubaka, “Tentika maboko ya nge na zulu ya yawu mpe sambila.” Nzambi na Mazulu zaba ti yayi kele kieleka.

211 Mu tulaka maboko ya munu na zulu ya ditadi mpe talaka na zulu na Mazulu mpe bandaka na kusambila. Mu kuwaka Ndinga mosi kubasika na zulu ya matadi kuna, tubaka, “Yinki ke yekama na zulu ya nge, na zulu ya ntima ya nge?” Mpe mu vumbukaka mutindu yayi, mapeka ya munu kinkonga; ntulu ya kinkonga, mu vwandaka na ndungutula. Mu talaka na manima. Mpe ya vwandaka ya kusonika na dibulu ya maza, na ditadi, “Ngononi ya Mpembe”; kaka kieleka yina vision tubaka ti Nsangu yina ke landa ke basika.

212 Mu vwandaka na nsayi mingi, mu vutukaka na yinzo; mu bakaka camera mpe mu vutukaka kilumbu yina landaka, mpe mu bakaka foto ya yawu. Ya vwandaka kaka kuna, ya kusonika na ditadi: “Ngononi ya Mpembe.” (Yembe yina ke twadisaka ngononi.)

213 Na mutindu nyonso, mu—mu zaba. Mu ke tuba na beno ntete yawu salama. Dokotolo kele mbote-...dokotolo ya mbote, kukondwa ntembe; mu—mu banza ti yandi kele muntu ya mbote. Kasi mu—mu zaba ti mu ke vwanda na zulu ya yawu. Ya me salama! Ya me suka, mpe mu ke beluka!

214 Mpe mu vwandaka banza mutindu Ernie vwandaka yimba nkunga yina mwa ntangu fyoti me luta, *Na Zulu Ya Mapapu Ya Yembe*. Yinki kele melodie ya yawu? Banda yawu samu na munu, Ernie.

...mapapu...yembe ya mpembe mutindu
mvula-mpembe,

Beno yimba yawu na munu.

Nzambi fidisaka zola ya Yandi ya kuvedila, ya
 lembami,
 Vwandaka kidimbu ya Zulu,
 Na zulu ya mapapu ya yembe.

²¹⁵ Mu me bakula ti Ernie salaka banzila zole ya yawu. Mu ke
 sala beno banzila tatu.

Noé zietaka na zulu ya masa
 Na zulu ya maza bilumbu mingi,
 Yandi sosaka yinsi,
 Na mitindu ya kuswaswana;
 Yandi kuzwaka mwa bampasi,
 Kasi na Mazulu ve,
 Samu Nzambi pesaka yandi kidimbu ya Yandi
 Na zulu ya mapapu ya yembe.

Na zulu ya mapapu ya yembe ya mpembe
 mutindu mvula-mpembe,
 Nzambi fidisaka zola ya Yandi ya kuvedila, ya
 lembami,
 Vwandaka kidimbu ya Zulu,
 Na zulu ya mapapu ya yembe.

Yesu, Mvulusi ya beto
 Kwizaka na ntoto kilumbu mosi;
 Yandi butukaka na kati ya kidikilu,
 Na kidikulu ya matiti;
 Ata ti awa ba mangaka Yandi,
 Kasi na Zulu ve,
 Samu ti Nzambi pesaka beto kidimbu ya Yandi
 Na zulu ya mapapu ya yembe.

Na zulu ya mapapu ya yembe ya mpembe
 mutindu mvula-mpembe,
 Nzambi fidisaka zola ya Yandi ya kuvedila, ya
 lembami,
 Oh, kidimbu ya Zulu,
 Na zulu ya mapapu ya yembe.

Ata ti mu talaka mpasi
 Na mitindu mingi,
 Mu bokaka samu na kubeluka ya munu
 Na mpimpa mpe na kilumbu;
 Kasi lukwikilu zimbanaka ve
 Na nzila ya Tata ya Zulu,
 Yandi pesaka munu kidimbu ya Yandi
 Na zulu ya mapapu ya yembe.

Na zulu ya mapapu ya yembe ya mpembe
 mutindu mvula-mpembe,
 Nzambi fidisaka zola ya Yandi ya kuvedila, ya
 lembami,

Oh, kidimbu ya Zulu,
Na zulu ya mapapu ya yembe.

Na zulu ya mapapu ya yembe ya mpembe
mutindu mvula-mpembe,
Nzambi fidisaka zola ya Yandi ya kuvedila, ya
lembami,
Kidimbu ya Zulu,
Na zulu ya mapapu ya yembe.

²¹⁶ Nzambi ya luzolo, mu ke tonda Nge samu na bima yayi, Tata. Nge pesaka Noé kidimbu, Nge pesaka yinza kidimbu, mpe Nge pesaka munu kidimbu. Mpe kilumbu yina ke landa, na kumonaka ngononi yango kupumbuka, O Nzambi, ya kele na Nsangu yina ke na kwiza ntangu yayi, mpe mu ke sambila, Nzambi, ti Nge ke bika Yembe kutwadisa. Pesa yawu, Mfumu. Ya me twadisa munu na lukwikilu yina mu me kuzwaka ntete ve. Mu zaba, Nzambi, mu zaba ti ya ke vwanda mbote mingi; na yina mu ke tonda Nge samu na yawu, Tata.

²¹⁷ Mpe, na nkokila yayi, tinda diaka Nsangu ya Nge, Mfumu, na zulu ya mapapu ya Yembe ya Ndinga. Pesa yawu, Tata ya Mazulu ya luzolo. Mpe konso muntu yina ke luta na estrade yayi, na nkokila yayi, mpe kuna na balukutakanu na yinsi ya muvimba, bika ti Yembe ya Nge ya nene kubwa na kati ya bantima ya bawu mpe kupesa bawu lukwikilu, Mfumu, samu na kubeluka ya bawu. Beno bambuka moyo ti Nzambi kele ve luzitu ya muntu. Yandi lendaka fidisa Nsangu na Noé, lendaka fidisa Yawu na Jean Mubotiki, lendaka fidisa Yawu na munu, lenda fidisa Yawu na bantu yankaka.

²¹⁸ Mu ke sambila ti Yembe yina ke kwisa na konso ntima na ntangu yayi, Mfumu, na mwa makelele ya Yawu, ya wolo, mpe na mandefu ya yawu, “Na bamputa ya Yandi... Na bamputa mpe bampasi ya Munu nge me beluka.” Nzambi, pesa ti bayimbi ya beto ke kuzwa mulemvo, masumu ya beto ya nkú ke kuzwa mulemvo ya beto, mpe ti kimbevo ya beto ke beluka. Ya kele na maboko ya Nge, Tata. Na Nkumbu ya Yesu Klisto. Amen.

Na bayintu ya beno ya kukulumusa muniti mosi diaka.

²¹⁹ Bantu yikwa awa zola kutuba, kana beno lenda mpe zola kutuba yayi, “Mpangi Branham, mu vwandaka na yimbi luzingu ya munu nionso. Mu zolaka sadila Nzambi, kasi na nkokila yayi mu me kubama samu na kukipesa. Beno sambila Nzambi, Yembe yina ke kwisa na kati ya ntima ya munu na nkokila yayi. Mu lenda simba Yawu kubula mapapu ya Yandi mutindu Yandi ke kwisa”? Beno telemisa maboko ya beno, beno zola? Awa na kati ya kivinga yina ke monika, oh, bisika nionso na kivinga.

²²⁰ Kuna na kati ya bivinga na kati ya yinsi, tii na Mpangi Hunt mpe Mpangi Coleman, kuna na Mpangi Leo mpe bayankaka, kuna na Tucson, kuna na Branham Tabernacle, na simu yina ya Côte Ouest, beno telemisa maboko ya beno bisika nionso:

“Mu zola ti Yembe kwisa na kati ya ntima ya munu na nkokila yayi. Nata munu zola ya lutondo ya Nzambi na zulu ya mapapu ya Yembe ya mpembe, Mpeve-Santu. Nata Yawu na munu, na nkokila yayi, Mfumu, mpe losa na kati ya ntima ya munu lukwikilu yina mu ke na yawu nsatu.”

²²¹ Na Nkumbu ya Yesu Klisto, mu ke sambila, Nzambi, lemvokila masumu ya beto. Yembe yina me lwala me vutula Nsangu, O Nzambi, “Yawu me mana!” Beto ke kwikila yawu. Pesa beto kaka lukwikilu ya kukwikila Yawu, beto ke sambila. Na Nkumbu ya Yesu. Amen.

Na zulu ya mapapu ya yembe ya mpembe
mutindu mvula-mpembe,
Nzambi fidisaka zola ya Yandi ya kuvedila, ya
lembami,
Vwandaka kidimbu ya Zulu,
Na zulu ya mapapu ya yembe.

²²² Wapi kisika yembe yina me katuka? Mu zaba ve. Yandi zolaka vwanda kuna ve na ntoto ya kuyuma mutindu yina. Ve, ve! Ve, yandi zolaka vwanda kuna ve. Mpe samu na yinki yandi vwandaka mpembe? Tata ya Mazulu zaba ti yandi vwandaka mpembe mutindu simisi ya munu. Yandi vwandaka kuna.

Kasi ya vwandaka na zulu ya mapapu ya
yembe ya mpembe,
Nzambi fidisaka zola ya Yandi ya kuvedila, ya
lembami,
Oh, kidimbu ya Zulu,
Na zulu ya mapapu ya yembe.

Na zulu ya mapapu ya yembe ya mpembe
mutindu mvula-mpembe,
Nzambi fidisaka zola ya Yandi ya kuvedila, ya
lembami,
Oh, kidimbu ya Zulu,
Na zulu ya mapapu ya yembe.

²²³ Oh, beno ke na kuwa ve kieleka ya kukikulumusa? Beto pesana mbote mosi na yankaka, mpe beto yimba yawu.

Na zulu ya mapapu ya yembe ya mpembe
mutindu mvula-mpembe,
Nzambi fidisaka zola ya Yandi ya kuvedila, ya
lembami,
Kidimbu ya Zulu,
Na zulu ya mapapu ya yembe.

²²⁴ Beto telemisa maboko ya beto na Yandi, mpe beto yimba yawu.

Na zulu ya mapapu ya yembe ya mpembe
mutindu mvula-mpembe,

Nzambi fidisaka zola ya Yandi ya kuvedila, ya
 lembami,
 Kidimbu ya Zulu,
 Na zulu ya mapapu ya yembe.

Noé zietaka na zulu ya masa
 Na zulu ya maza kilumbu mingi,
 Yandi sosaka yinsi,
 Na mitindu ya kuswaswana;
 Yandi kuzwaka mwa bampasi,
 Kasi na Zulu ve,
 Nzambi fidisaka kidimbu ya Yandi
 Na zulu ya mapapu ya yembe.

Na zulu ya mapapu ya yembe ya mpembe
 mutindu mvula-mpembe,
 Nzambi fidisaka zola ya Yandi ya kuvedila, ya
 lembami,
 Oh, kidimbu ya Zulu,
 Na zulu ya mapapu ya yembe.

Yesu, Mvulusi ya beto
 Kwizaka na ntoto kilumbu mosi;
 Yandi butukaka na kati ya kidikilu,
 Na kidikulu ya matiti;
 Ata ti awa ba mangaka Yandi,
 Kasi na Zulu ve,
 Nzambi pesaka beto kidimbu ya Yandi
 Na zulu ya mapapu ya yembe.

Na zulu ya mapapu ya yembe ya mpembe
 mutindu mvula-mpembe,
 Nzambi ke fidisa zola ya Yandi ya kuvedila, ya
 lembami,
 Kidimbu ya Zulu,
 Na zulu ya mapapu ya yembe.

²²⁵ Samu na yinki, munu kiboba ya bakala, talaka mpasi na luzingu ya munu nyonso, samu na yinki Yandi belusaka munu ntangu yayi? Mu ke kwikila ti mu ke tambula diaka na nzila yayi, mu fwana nata Nsangu mosi! Mpe mu ke tuba na Tata ya munu, na nkokila yayi, mutindu Junior monaka na ndosi mosi na nkokila yina ya mapapu ya Yembe yayi, ke tambula na banela yayi awa, Mfumu, kisadi ya Nge ke na kusalaka ksalu. Amen, mu me kubama!

Na zulu ya mapapu ya yembe ya mpembe
 mutindu mvula-mpembe,
 Nzambi ke fidisa munu zola ya Yandi ya
 kuvedila, ya lembami,
 Kidimbu ya Zulu,
 Na zulu ya mapapu ya yembe.

²²⁶ Beto kwikila ntangu yayi ti Yandi ke kota na kati ya kivinga.

Na zulu ya mapapu ya mvula-mpembe . . .

Beto ke na kuvingila, Mfumu.

Nzambi ke fidisa zola ya Yandi ya kuvedila, ya lembami,

Kidimbu ya Zulu,

Na zulu ya mapapu ya yembe.

227 Beno bayina kele na bakalati ya bisambu, na kulwale yayi awa, beno kwenda na ntwala awa; telama, kwenda na ntwala na lweka yayi awa, na lweka yayi.

Na zulu ya mapapu ya yembe ya mpembe mutindu mvula-mpembe,

Nzambi ke fidisa zola ya Yandi ya kuvedila, ya lembami,

Kidimbu ya Zulu,

Na zulu ya mapapu ya yembe.

228 Bayina kele na bakalati ya bisambu na nzila yayi, beno kwenda na lweka ya beno ya kikento.

Na zulu ya mapapu ya yembe ya mpembe mutindu mvula-mpembe,

Nzambi ke fidisa zola ya Yandi ya kuvedila,

Kidimbu ya Zulu,

Na zulu ya mapapu ya yembe.

229 Bayina . . . [Kisika ya mpamba na bande—Mu.]

Oh, na zulu ya mapapu ya yembe ya mpembe,

Nzambi fidisaka munu zola ya Yandi ya kuvedila, ya lembami,

Kidimbu ya Zulu,

Na zulu ya mapapu ya yembe.

230 Wapi kisika yembe katukaka kuna na ntoto ya kuyuma? Mu ke tuba yayi: Nzambi monaka Abraham vwandaka na nsatu ya dimeme ya bakala samu na kidimbu, Yandi kele Yehowa-Yile, “Mfumu lenda pesa samu na Yandi mosi munkayulu.” Na kubanza na yawu! Nzambi mosi, na nzila ya lutwadusu ya kimpeve mosi, na mutindu mosi ya bantu, fidisaka yembe. Yandi kele kaka Nzambi, Yehowa-Yile lenda pesa nyonso yina Yandi kele na yawu nsatu.

231 Beno zola ve, kaka na yina beno ke luta na ndonga yayi ya bisambu ntangu yayi, beno lomba na Nzambi na kubasisa beno na mapapu ya Yembe? Yembe, Mpeve-Santu, samu na kupesa nge lukwikilu na kati ya ntima ya nge samu na kukwikila ti nge ke beluka.

232 Mu ke meka na kunata bawu nionso na makulu ya bawu, beno me mona. Mu ke lomba ntangu yayi. Mpangi Brown kele na kisika ya yandi. Mpangi Jack . . . Yinki nge ke tuba? [Mpangi-bakala mosi ke tuba na Mpangi Branham—Mu.] Mbote mingi, mbote. Kitini yayi awa, me luta na lweka yayi ntete, yina kele

ya kusungama. Bitini yayi kuna ke kwisa kubwa awa kaka na manima ya bawu. Bayayi ke kwisa kubwa kaka na manima ya dipapu. Mpe beno ke kubwa kaka na manima ya bayayi awa, beno ke kwisa kaka samu ba sambila beno.

²³³ Ntangu yayi, mu ke kwikila ti yayi ke vwanda ve ndonga ya nswalu, beto ke baka kaka mwa ntangu samu beto sambila ya kieleka samu na mosi na mosi, na mutindu beto lenda.

²³⁴ Ntangu yayi, mu me zenga kaka nsangu ya munu mwa fyoti (mpe beno nyonso me simba yawu, beno me mona) samu ti mu kuzwa ndonga ya bisambu yayi. Yayi kele ndonga ya lubambuku samu na kuzitisa bilumbu ntangu Mpangi Jack Moore, Mpangi Brown, bakento ya beno vwandaka bika beno kukwenda, mpe beno vwandaka kwisa mpe beto vwandaka kwenda kuna na Californie, mpe bisika nionso na Arizona (kintwadi, na ntoto ya kuyuma), mpe sambilaka samu na bambevo.

²³⁵ Beno zaba yinki? Ya kele na bantu yina ke na kuzinga bubu yayi yina vwandaka kufwa na ntangu yina, mpe ke zinga kaka samu na ngolo yina. Yinki ya salaka? Ya me telemisa bakubeluka ya Kinzambi na konso dibuundu yina kele na yinsi, ntangu yayi mpe ba-Presbytérien mpe nyonso yankaka yina. Bawu . . . Ya kangaka yinwa ya bawu, samu ya lombaka Nzambi na kupakula muntu mosi samu na kufwa Goliath, samu na kutalisa ti ya lendaka salama, na yina bayankaka ya bawu bakaka kikesa (ya kieleka) mpe landilaka. Yawu lunga salama diaka, samu Yandi ke tinda kaka zola ya Yandi na zulu ya mapapu ya Yembe.

²³⁶ Baklisto, mu zola ti beno kuwa. Kana mu lendaka telama awa mpe kumeka na kutanga beno na bima ya mazulu yina mu me monaka kusalama ata mpe na bamvula tatu me luta, mu ke vwanda awa na ntangu yayi na nkokila ke kwisa, mu ke tuba na beno. Mu ke tubila yawu mingi ve, samu ya ke wakana mutindu ti ya lendaka salama ve, kasi mu ke tuba na beno Kieleka. Ya kele kaka Kieleka. Beto ke na kuzinga na yisi ya lutwadusu ya Yehowa ya Nene, Mosi yina vwandaka na baprofete na Ngwisani ya Ntama, na Dibundu na Ngwisani ya Malu-malu, Yandi kele awa bubu yayi ke basisa Kento ya makwela na Bantu ya makanda samu na luzolo ya Nkumbu ya Yandi. Beno kwikila Yawu! Beno zola ve, bantu? Kana beno me kwikilaka Yawu, beno kwikila Yawu malu-malu yayi. Ya kele yina . . . Mu zola ti beno sala yawu. Beto zaba ve yina ke salama dyaka na nkokila yayi. Beto zaba ve yina ke salama. Beto ke na kuvingila kaka na yisi ya kuvingila.

²³⁷ Pardo, na Nkumbu ya Mfumu Yesu, mu ke lombamba nge mutindu kisadi ya Yandi. Mu zaba ntangu beno ke sala na mabuundu, beno kele na bima nionso ya kuvukana na kati kuna. Kasi kana beno ke kwikila munu mutindu kisadi ya Yandi, kana ya kele na ditono mosi ya ntembe (to *disumu* kele—kele “ntembe, kukondwa lukwikilu”), kana ya kele na kitini mosi ya yawu na

kati ya ntima ya beno, beno lomba Tata na kukatula yawu malu-malu yayi. Beno me mona? “Mfumu. . .” Mpe na yina ntangu beno ke kwisa na lukwikilu ya kieleka. . . Ntangu yayi, maboko ya munu ke zola kutuba kima ve kana ti Yawu bula beno ntete; na yina ntangu ya ke kwiza, ya ke pesa yawu nsemo, beno ke beluka. Ya kele kieleka, beno ke zaba ti beno ke beluka. Beno me mona, beno ke kwikila yawu.

²³⁸ Ntangu yayi, mu ke sambila ntangu yayi samu na mosi na mosi ya beno. Mpe ntangu yayi. . . Ntangu beno ke sala yayi, beno ke tula maboko ya beno na zulu ya mosi na yankaka mpe, na yina beto kele. . . Mpe beno ke sambila samu na muntu yina beno me tentika maboko ya beno, na yina mu ke nata beno na ndonga. Beno tula maboko ya beno na zulu ya muntu yina kele na beno na nzila.

²³⁹ Nzambi ya luzolo, mu—mu zaba ve mutindu yankaka ya kutuba bima yayi, Mfumu. Mu zaba kaka na kutuba yina mu zaba kele Kieleka, mpe Nge kele mbingi ya munu na nkokila yayi ti mu ke tuba Kieleka. Lukwikilu ya munu, Mfumu, mpe kubeluka ya munu mosi na bilumbu ke kwisa na ntwala; mu zaba ve ntangu, mu zaba ve wapi mutindu, mu ke bakula yawu ve; kasi mu ke kwikila Yawu, Mfumu, ti mu kuzwaka kidimbu ya zulu. Yembe yina ya sambwadi kumaka awa, kitini ya sambwadi me kumana na zulu ya kibulu. Yimeni!

²⁴⁰ Nzambi, mu zola sadila bantu ya Nge. Na yawu mu ke sambila, Nzambi, ti Nge ke pakula beto mingi na nkokila yayi ti muntu nyonso yina beto ke tentika maboko ya beto, ti bawu beluka; ve samu ti ya kele beto, kasi samu ti ya ke na kulandaka musiku ya Nge. Nge tubaka, “Bidimbu yayi ke landa bayina ke kwikila.” Mfumu, sadisa munu na kukwikila, mpe sadisa bantima ya bawu na kuvwanda na ndonga ya lukwikilu. Mpe ti, kintwadi, samu na nkembo ya Nzambi, konso mbevo mpe bantu ya mpasi na kati ya yinzo yayi (to bayinzo ya nene na kati ya yinsi) yina ke tumama na balutumu yayi ntangu yayi, ke beluka. Na Nkumbu ya Yesu Klisto, mu ke lomba yawu. Amen.

²⁴¹ Vwanda na lukwikilu; beno nionso sambila na beto. Ntangu yayi, yayi kele ve nzila ya kuswasikisa mabanza.

²⁴² [Kisika ya mpamba na bande—Mu.] Kudasuka, boma, mu zaba yina yayi. . . [Mpangi-kento ke tuba na Mpangi Branham.] Mwa kima ya mputu, yandi tubaka ti yandi me monaka ntete ve ngemba na luzingu. Kima mutindu mosi yina mu. . . Lenda ve kulala, ya kidi-kidi, tension.

²⁴³ Nzambi ya luzolo, pesa munu kimbangi, Mfumu, ti mu me tuba Kieleka. Mutindu mu ke kuwa mwa kento yayi! Mu ke sambila, Nzambi, ti Nge ke fidisa yandi, na nkokila yayi, nsinga yina ya lukwikilu na zulu yina zaba ti Nge me tumama na ngolo na Ndinga ya Nge, mpe Nge ke zitisa konso Ndinga. Bika ti Nzambi ya Mazulu kukatula boma yayi na mpangi ya munu ya

kento. Mpe mu tumama na Nge na kutentika maboko na zulu ya yandi mpe kufundisa yawu. Na Nkumbu ya Yesu Klisto, bika yawu basika na yandi. Amen.

²⁴⁴ Ntangu yayi, tala mpangi-kento, nge ke kwikila munu ntangu yayi, kana nge lenda banda kaka awa, na nzila ya kulunsi. Kubanda nkokila yayi, kumanga ti beno me kuzwa yawu. Beno me mona, beno landila na kutuba, “Mu me kuzwa dyaka yawu ve,” mpe ya ke bika beno.

²⁴⁵ Mpangi-kento Palmer. [Mpangi-kento Palmer ke na kuzonzaka na Mpangi Branham—Mu.] Yinga. Mpangi ya beto ya kento, Mpangi-kento Palmer; bakala ya yandi kele nkundi ya munu ya luzolo mingi, longi mosi ya Georgie to ya Alabama, na Georgie—na Georgie. Mpe yandi vwandaka kwiza na tabernacle... Ba ke nata ditoma, ntangu mu ke longa na tabernacle, bakilometre mafunda zole na bankama yiya samu na kuwa lukutakanu mosi. Mpangi Palmer yina me zimbisa lutwadusu ya ditoma ya yandi, to mwana ya bakala, mosi, ntangu ba vwandaka baluka na nsongi, mpe bawu kuzwaka kitutu. Yandi kele na mpasi ya yawu.

Beto sambila.

²⁴⁶ Nzambi ya luzolo, vulusa kisadi yayi ya Nge, kento ya yandi ya fioti, ya kukwikama, ya kieleka, kisadi ya fioti kati na Klisto, Mu ke sambila, Nzambi, mutindu mu ke tentika maboko ya munu na zulu ya yandi, na Mpangi ya munu Jack Moore awa, ti Nge ke belusa yandi mpe ke kumisa yandi mbote. Na Nkumbu ya Yesu. Amen.

Nzambi sakumuna nge!...?...

²⁴⁷ Na dikulu ya kibakala, mpe nge me telema samu na yandi? Mwana ya yandi ya bakala kele kikata, yandi ke na mpasi na kifundu ya yandi mpe na mukongo.

Beto sambila.

²⁴⁸ Nzambi ya luzolo, bika ti Yembe yina ya mpembe kukulumuka na kati ya ntima ya yandi na ntangu yayi, “Yina lwalaka samu na masumu ya beto, yina ba tobolaka samu na masumu ya beto ya nkú, na bamputa ya Yandi beto me beluka.” Mu ke lomba yayi kuvwanda mutindu yina samu na mpangi ya beto ya bakala mpe samu na mwana ya yandi ya bakala, na Nkumbu ya Yesu Klisto. Amen.

²⁴⁹ Bampasi ya yintu ya kulutula ngolo, mpe mpasi ya dikulu yina ke yangisaka yandi ntangu yandi ke salaka kisalu.

²⁵⁰ Nzambi ya luzolo, pesa lusakumunu ya Nge na zulu ya ntwenya ya bakala yayi, mutindu beto mutindu bisadi ya Nzambi ke tentika maboko ya beto na zulu ya yandi. Na Nkumbu ya Yesu Klisto. Amen.

²⁵¹ Yandi kele na kimbevo ya bamama, kento, mpe yandi zola diaka Mbotika ya Mpeve-Santu.

252 Nzambi ya luzolo, mutindu mu ke pesa nge kisambu yayi ya lukwikilu samu na mama yayi ya fioti, bika ti mpasi ya bakento kukwenda, bika ti Mbotika ya Mpeve-Santu kukwisa na zulu ya mapapu ya Yembe, na Nkumbu ya Yesu Klisto. Amen.

Nzambi sakumuna nge, mpangi-kento.

253 Kuvimba na disu ya yandi, mpe samu na nkundi ya yandi ya luzolo.

254 Nzambi ya luzolo, Nge zaba bantima ya bantu. Mu ke sambila Nge Tata, na Nkumbu ya Yesu, ti Nge ke pesa mvutu na ndombolo yayi yina mpangi-bakala yayi me lomba; mpe kutumama ya beto na Ndinga ya Nge ya kutentika maboko na zulu ya yandi. Na Nkumbu ya Yesu Klisto. Amen.

Nzambi sakumuna nge, mpangi-bakala.

255 Yandi kele na kuvimba na lweka ya yandi ya kikento, mpe dyaka ndinga ya yandi kele yimbi.

256 Yesu ya luzolo, mu ke sambila ti Nge belusa mpangi ya kento yayi; na kutentika maboko na zulu ya yandi na Nkumbu ya Yesu Klisto, ti kubeluka ya yandi ke vwanda. Amen.

Nzambi sakumuna nge, mpangi ya munu ya kento.

257 Ya kieleka, mpangi-kento, mu ke mona mpasi ya nge, makulu ya kuvimba. [Mpangi-kento ke tuba na Mpangi Branham—Mu.] Ba-rein, vessie, mpe kinkoso ya kutengama.

258 O Tata Nzambi, belusa kento yayi ya ntalu, Mfumu, mu ke sambila, mutindu mu ke tentika maboko na zulu ya yandi na Nkumbu ya Yesu Klisto. Amen.

259 Nzambi sakumuna nge, mpangi-kento; ya ke mutindu yina, ya ke salama.

260 Beno ke kuwa yawu, mutindu yina ve, na microphone? Ti yina kele na... technicien, nge lendaka matisa fioti volume, samu ti bantu lendaka kuwa kimba-... to yina ba ke tubaka ntangu bawu ke luta. Beno vwanda na bisambu samu na bawu ntangu beno ke kuwa yawu; ntangu mu ke banda na kusambila, beno sambila na munu.

261 Nzambi ya luzolo, mu ke sambila samu na mpangi ya beto ya kento yayi, ti Nge ke belusa yandi, Nzambi ya luzolo. Beto ke na kusalaka yayi samu ti ya kele musiku ya Nge. Na Nkumbu ya Yesu Klisto. Amen.

Sakumuna nge, mpangi-kento.

262 Nzambi ya luzolo, Nge ke kuwa kimbangi yina, Nge ke kuwa yina mbeni salaka na yandi. Beto ke meka na kubaka Nkumbu ya Yesu mpe kununga mbeni yayi; yandi kele ntete samu ti ya kele Yembe yina ba diataka, yina ba lwasisaka na kati ya ntoto ya Yinzo ya Nzambi na Nsangu mosi, “Ya me suka!” Pesa yawu, bika yandi kwikila yawu, Tata, na Nkumbu ya Yesu.

263 Nzambi ya luzolo, mu ke sambila ti Nge belusa mpangi ya beto ya kento yayi. Bika ti Yembe ya Nzambi kupesa kimbangi na yandi na nkokila yayi yina Yandi salaka yawu samu na yandi, ti yandi lendaka beluka. Na Nkumbu ya Yesu. Amen.

264 Nzambi ya luzolo, mu ke tentika maboko ya munu na zulu ya mpangi ya munu ya bakala yina kele awa. Yandi vwandaka na lukwikilu mingi samu na kukwisa awa, Mfumu, ntangu yayi bika yandi kuzwa kubeluka ya yandi mpe yandi kwenda na kiti ya yandi mbote. Na Nkumbu ya Yesu.

265 Nzambi ya luzolo, mu ke sambila samu na mpangi ya beto ya bakala, kutentika maboko na zulu ya yandi. Sadisa, Nzambi ya luzolo, ti lukwikilu ya Nzambi ke kulumuka kaka na ntangu yayi; mpe kuvwanda mutindu Abraham, kubokila bima yango yina kele, mutindu ti yawu kele—kele ve, samu ti Nzambi salaka nsilulu. Na Nkumbu ya Yesu. Amen.

Nzambi sakumuna nge.

266 Nzambi ya luzolo, Nge kele Yandi yina lenda baka lukanu ya kieleka. Mu ke sambila, Nzambi ya luzolo, mutindu mama yayi ya ntwenya lombaka yayi, ti yandi kuzwa yawu na Nkumbu ya Yesu Klisto. Amen.

267 Nzambi ya luzolo, mu ke tentika maboko ya munu na zulu ya mpangi ya beto ya kento na kutumamaka na yina Nge tubaka na kusala. Yayi ke vutula beto bamvula mingi, Mfumu, kubanda beto ke baka ndonga ya bisambu mutindu yayi; kasi beto zaba yina salamaka na ntangu yina, beto zaba ti Nge kele Nzambi mosi bubu yayi kana bantu lenda vwanda na lukwikilu mosi bubu yayi. Mu ke sambila na Nkumbu ya Yesu samu na mpangi ya beto ya kento kele kubeluka. Amen.

268 Nzambi ya luzolo, mu ke tentika maboko ya munu na zulu ya mpangi ya munu ya bakala awa mpe ke lomba kubeluka ya yandi, na Nkumbu ya Yesu Klisto. Amen.

269 Tata, mu ke nata na ntwala ya Nge na nkokila yayi mpangi ya beto ya kento, mpe ke tentika maboko ya munu na zulu ya yandi samu na kimbangi ti mu me telama mutindu mbangi ya ngolo ya Nge, kutelama mutindu mbangi ya ba-vision ya Nge, Ndinga ya Nge, mpe mu kele mbangi ti Nge kele Nzambi. Mpe mu ke tentika maboko na zulu ya yandi na kutumama na Ndinga ya Nzambi ya munu, mpe mu ke lomba kubeluka ya yandi. Amen.

270 Nzambi ya luzolo, mu ke tentika maboko na zulu ya mpangi ya munu ya bakala mutindu mosi, mutindu mbangi ya ngolo ya Nge mu ke lomba kubeluka ya yandi na Nkumbu ya Yesu Klisto. Amen.

271 [Kisika ya mpamba na bande—Mu.] “Yinki?”

272 Yandi tubaka, “Munganga.” Yandi tubaka ti “Bakala mosi me katuka kisika mosi kuna, kuna na Arkansas, belukaka

na suka yina, coordonnier ya mpofu.” Beno zaba disolo. Ya vwanaka na ladyo.

273 Mpe mu tubaka...Mu banzaka...Mu bulaka kitini ya muntu ya luvunu. Mu tubaka, “Nge ke kwikilaka ve ti ya kele Kieleka?”

274 Yandi tubaka, “Yinga, tata, mu ke sala yawu.”

275 Mpe mu tubaka, “Nge ke kwikilaka na kilumbu yayi ntangu Nzambi ke sala kima mutindu yina, ntangu...”

276 Yandi tubaka, “Tata, mu kuwaka dinaka ya misambidi.” Yandi tubaka, “Mu kele Muklisto.” Yandi tubaka, “Mu kuwaka dinaka, mu kuwaka bakala yina kuna yina belukaka na suka yayi, coordonnier yina ya mpofu. Ba losaka yandi na ngaanda ya dibuundu, yandi vwanaka sala makelele mingi, dibuundu mosi na yankaka. Yandi vwanaka balusa yimpu ya yandi, na zulu ya nkawa, na kukimaka mbangu na nsongi na nsongi ya dibuundu, ya vwanaka bisika nionso na kati ya mbanza, na kubokaka, ‘Mu me beluka! Mu me beluka! Coordonnier ya mpofu.’”

277 Mu tubaka, “Nge ke kwikila yawu?”

278 Yandi telemaka kuna mwa ntangu fioti, mvula ya fioti vwanaka noka, yandi tubaka, “Tata, kana nge lendaka nata muntu kisika yandi kele, na yina mu ke kuzwa tata ya muntu.” Na yina mu kuwaka mutindu yina.

279 Mu tubaka, “Mu banza ti mu kele yandi yina nge ke na kusosa.”

280 Yandi tubaka, bakaka muntu na makulu ya kazaka, yandi tubaka, “Nge kele Munganga?”

281 Mu tubaka, “Ve, mpangi-kento, kasi mu kele Mpangi Branham.”

282 Yandi tubaka, “Tala muntu kyadi!”

Mu banzaka na Fanny Crosby ya kiboba ya mpofu, “Na yina Nge ke bokila, kuluta muntu ve.” Beno me mona, Yandi belusaka mosi, Yandi lendaka belusa yandi.

283 Mu tulaka maboko ya muntu na zulu ya meso ya yandi, Mu tubaka, “Yesu ya luzolo, kilumbu mosi kulunsi mosi ya ntama ya ngolo kulumukaka na bala-bala, mapeka na munga vwanaka basika na bawu, mwa nzutu ya kulemba yina vwanaka nata yawu kubwaka na yisi ya kizitu. Muntu mosi ya ndombe na nkumbu ya Simon, ya Cyrène, kwisaka mpe bakaka kulunsi, sadisaka Yandi na kunata yawu. Mu ke kwikila ti Nge ke bambuka moyo na yawu, Tata. Mpe mosi ya bana ya yandi ke na kutekita awa na kati ya mpimpa, mu ke kwikila ti Nge me bakula.”

284 Yandi tubaka, “Nkembo na Nzambi! Mu lenda mona!” Uh-huh.

285 Mu tubaka, “Nge lenda mona?”

286 Yandi tubaka, “Yinga, tata.”

287 Mu tubaka, “Tanga minda yina.” Mpe yandi tangaka yawu. Mu tubaka, “Wapi ntinta ya kazaka mu me lwata?”

288 Yandi tubaka, “Nge kele na kazaka ya mpembe, na nsinga ya jaune.” Yawu yina, yandi lendaka mona.

289 Oh, Nzambi ke zitisaka kukikulumusa. Uh-huh.

*Yayi na yawu mosi kele yina ke sala, mpe ke nata,
lunungu ya nene na kati ya Zola ya Kinzambi.*

290 Nzambi ya luzolo, vwanda na kyadi mpe belusa mpangi ya munu ya kento, na Nkumbu ya Yesu Klisto. Amen.

291 Nzambi ya luzolo, mutindu mu ke baka diboko yayi ya kulemba, ya mifutu, kaka Nge zaba yina me luta awa. Mu ke sambila, Nzambi ya luzolo, ti diboko mosi yina kele na munu na nokila yayi ke simba mbote mutindu maboko yina ya kulemba ya Simeón kilumbu yina, “Mfumu, bika kisadi ya Nge kukwenda na ngemba, samu mu me mona ntangu yayi mpulusu ya Nge.” Bika ti Yawu kwisa na zulu ya yandi, Mfumu, mpulusu ya Nge, mpe kumisa yandi mbote na Nkumbu ya Yesu. Amen.

292 [Kisika ya mpamba na bande—Mu.] Na zulu ya *Lufundusu*, na yina, Tata Kukondwa lukwikilu kufundaka Yesu Klisto. Beno ke bambuka moyo na *Lufundusu*? Wapi mutindu ti... Bawu kuzwaka banzonzi mpe nionso, mpe beto monaka nani telemaka samu na nani. Mpe beto kuzwaka nzonzi yina ke landilaka, Satan yina vwandaka landila; wapi mutindu, ba nataka lufundusu.

293 Mpe yandi tubaka, mosi, Tata Muntu ya ntembe, yandi kwisaka, yandi tubaka, “Mu kuwaka mulongi kutuba, ‘Beno pakula bambevo mafuta, Biblia me tuba yawu.’ Ba pakulaka munu mafuta, kasi mu belukaka ve. Yankaka yina tubaka, ‘Beno tentika maboko na zulu ya bambevo, bawu ke beluka.’” Yandi vwandaka meka na kufundisa.

294 Kasi ntangu mbangi kwizaka, awa ya vwandaka, “Nzambi tubaka na bawu, tubaka, ‘Nge vwandaka...’” Yandi tubaka, “Ya vwandaka bangonda sambanu kubanda mu tulaka maboko na zulu ya munu, mpe Ndinga ya Nge ke tuba ti ‘Tentika maboko na zulu ya bambevo mpe bawu ke beluka.’ Mpe maboko vwandaka me tulama na zulu ya munu na mosi ya bisadi ya Nge ya kupakula, mpe mu me belukaka ntete ve. Na yina, Nge kele muntu ya luvunu, samu ti Ndinga ya Nge zola ve kutuba yina Yawu ke tuba.”

295 Na yina ntangu mbangi kwisaka, ya kieleka vwandaka yayi, ti “Ndinga ya Yandi kele kieleka. Yandi tubaka ata fioti ve *ntangu* Yandi ke sala yawu, Yandi tubaka, ‘Bidimbu yayi ke landa bayina ke kwikila; kana bawu tentika maboko ya bawu na zulu ya bambevo, bawu ke beluka.’ Beno me mona? Beno me mona, yawu yina Yandi tubaka, ‘Bawu ke beluka.’ Na yawu kana ya kele kimangu yina ke salama kaka mutindu *yayi* to kana ya

kele kaka kutumama na Nzambi, yina me tala Yandi na kati ya muntu yandi mosi. Benó me mona? Kasi kana muntu kukwikila Yawu, mu ke kipe ve bantangu yikwa ya ke baka. Yandi tubaka na Abraham, 'Nge ke kuzwa bébé na nzila ya Sarah.' Bébé ke kwisaka ata fioti ve bamvula makumi zole na tanu. Yandi tubaka na Noé ti ya vwandaka 'ke noka.' Noé vwandaka na kufuluka ya maza. . . nzasa tungaka samu na kufuluka ya maza, bamvula mingi, mingi ntete kufuluka ya maza kukwiza, kasi yandi zabaka ti mvula ke noka. Biblia ke tuba, 'Kisambu ya lukwikilu ke vulusa mbevo, mpe Nzambi ke vumbula bawu.' Yinki ntangu? Yandi tubaka ve. Nzambi kele kaka, Yandi kele kieleka, beno tanga kaka yina Ndinga ya Yandi ke tuba."

²⁹⁶ Yawu yina mu salaka na nkokila yayi, mu tentikaka maboko na zulu ya bambevo. Ntangu yayi, mu ke kwikila ti mosi na mosi ya bawu ke beluka. Mu ke kwikila, mosi na mosi ya bawu. Benó ke kwikila mutindu mosi? Ntangu yayi beno kwikila samu na bantu yayi ya mpasi.

²⁹⁷ Ya kele na mama mosi ya ntwenya awa, yina ke monana mutindu mu fwana zaba, Mu sambilaka samu na yandi mazono na nkokila, kuna na ndonga ya bisambu. Yinki kele nkumbu ya yandi? Chambers. . . Chambless. Kana mwa mama yayi ya ntwenya zolaka kuzinga—zolaka kuzinga mbote, kana yandi kuzwaka mpasi ve, kieleka yandi zolaka vwanda kento ya kitoko. Mpe yandi kele ya kuvwanda kuna ntangu yayi, ke na kuningana. Mpeve ya luzolo, ya mbote na kati ya mwana-kento. Mpe yandi ke vwanda kuna ke ningana mutindu *yayi*. Oh, mutindu ya ke pasula ntima ya munu. Mutindu ti mu zolaka. . . kaka mutindu mu zolaka!

²⁹⁸ Tala mwa bébé ya fioti, mama yayi ya kuvwanda awa me simba yandi. Ludimi ya yandi ya fioti me basika na ngaanda, mwa nzutu ya yandi kele ya kubela. Yinki ke salama kana ya vwandaka Joseph ya munu ya fioti? Yinki ke salama kana ya vwandaka mutekolo ya munu ya bakala Paul? Yinki kana ya vwandaka Rébecca ya kuvwanda na manima kuna, to Sarah? Yinki kana Mama Simpson awa vwandaka kento ya munu Meda? Ntwenya ya bakala yayi ya kuvwanda awa vwandaka Billy Paul? Kento yayi ya kukula vwandaka awa vwandaka mama ya munu? Benó bambuka moyo, ya kele bébé ya muntu mosi, mpangi ya kento ya muntu mosi, mwana ya kento ya muntu mosi, mpe mwana ya bakala ya muntu mosi. Benó me mona? Mu kele mpangi ya bawu, Yandi kele Mvulusi ya beto. Nionso mu lendaka sala kele. . . mu ke pesa lukwikilu yina kele na munu samu na bawu. Ya kele nionso yina mu zaba.

²⁹⁹ Ntangu yayi, Mfumu lenda lakisa munu vision, Yandi lendaka tuba na munu yina kele dyambu na mosi na mosi ya bawu. Mu lenda siamisa yawu na beno, beno me mona, beno zaba yawu. Kasi yina ke belusaka bawu ve. Yina ke belusa bawu ve.

Ve, ya fwana vwanda na kima mosi ke kwisa na kati ya bawu, beno me mona. Mpe mu banza . . .

³⁰⁰ Mutindu mu lendaka mata awa kubaka mosi na mosi ya beno mpe kubotika beno na Nkumbu ya Mfumu Yesu Klisto, yina ke lemvočila masumu ya beno ve. Ve, ve! Ve, mu ke kwikilaka ve na mbotika ya maza na Nkumbu ya Yesu Klisto samu na kuvutuka ya malu-malu; Mu ke kwikila ti Menga kele kuvutuka ya malu-malu, beno me mona, maza ve—ve. Kasi, beno me mona, mu lendaka botika mpe kubotika, kasi beno ke kulumuka kaka musumuki ya kuyuma, beno ke basika muntu mosi ya kupola; beno me mona, tii kuna beno ke balula kieleka ntima. *Beno balula ntima*, mpe na manima beno botama na Nkumbu ya Yesu Klisto. Beno me mona? Mpe ya kele kisika mu kele ya kuswaswana na mouvement ya ba-Unitaire. Mu ke botika ve samu na kuvutuka ya malu-malu, ve; mu ke kwikila ti ya kele Menga yina ke sukula, maza ve. Beno me mona? *Kubalula ntima*, mpe na manima beno botama na Nkumbu ya Yesu Klisto.

³⁰¹ Ntangu yayi mu ke kulumuka samu na kusambila. Mpe bantu yayi kele ya ntalu samu na beno mutindu mosi bawu kele samu na munu, mu banza mpe kulutula yina samu na nsinga ya bibuti.

³⁰² Ntangu yayi beto nionso vukana, mpe maboko ya beno na lukwikilu, mpe diboko ya munu na kati ya lukwikilu, na kunataka maboko ya Mfumu Yesu samu na kutentika bantu ya mawa yayi. Nge ke sambila na munu?

³⁰³ [Kisika ya mpamba na bande—Mu.] Bayina kele na bamuswale yina kele samu na bambevo mpe bantu ya mpasi, beno lenda sungika bawu na manima ya lukutakanu. Ntangu yayi sadisa munu na kusambila samu na bayayi, beno zola?

³⁰⁴ Nzambi, beto ke tonda Nge, Mfumu, samu na yina Nge me sala na nkokila yayi. Beto ke tonda Nge na kukwenda na ntwala samu na kubeluka ya muntu nyonso lutaka na nzila. Nzambi ya luzolo, mu ke sambila samu na bamuswale yayi, ntangu yankaka samu na bayina lendaka kwisa ve na lukutakanu, mpe bankundi ya bawu ya luzolo nataka bamuswale. Na kati ya Biblia ba me longa beto ti ba bakaka na nzutu ya Paul, bamuswale to bitenda ya bilele. Ntangu yayi, bantu yina kuna zingaka na mvwandulu ya Nge, bawu monaka Nge na bala-bala, bawu monaka Nge na lukutakanu ya bawu, mpe bawu monaka Mpeve ya Nge mosi na zulu ya Paul. Mpe bawu zabaka ti ya vwandaka ve muntu yina, ya vwandaka Mpeve ya Nge yina vwandaka yala na zulu ya luzingu ya yandi, samu beto ke mona Paul kusala bima mutindu mosi yina Nge salaka.

³⁰⁵ Mpe ntangu yayi, Mfumu, bantu ya kilumbu yayi ke mona Nzambi mosi yina ke zinga na kati ya Dibundu ya Yandi na bantu ya Yandi. Mpe ba me nata bamuswale yayi, ti ba lendaka katula yawu awa na bankundi ya bawu ya luzolo. Pesa, Nzambi,

ti mosi na mosi ya bawu ke beluka na mutindu ya Nge mosi. Beto ke lombaka ve kima mosi ya kusala na mutindu mosi to na nkadulu mosi; beto ke lombaka kaka, “Na mutindu ya Nge mosi, Tata, belusa bawu.” Samu na nkembo ya Nzambi, mu ke pesa kisambu yayi ya lukwikilu na zulu ya yawu. Na Nkumbu ya Yesu Klisto. Amen.

³⁰⁶ Mu kuzwaka ntangu mosi ya mbote ya kubundana na lukwikilu ya beno, mvwandulu ya beno na Yesu Klisto. Yayi ke vwanda lukutakanu yina mu ke bambuka moyo na yina salamaka: zola, kusala kintwadi, kubundana.

³⁰⁷ Mpe ntangu yayi, tii beto ke kutana diaka, bika ti Nzambi ya Mazulu kutwadisa beno. Yandi Yina ke salaka ti bambwetete kusema na mpimpa samu na kusemisa nzila ntangu ya ke salaka kitombe, bika ti Yandi pesa nsemo na nzila ya beno na Mbwetete ya Bethlehem samu na kutwadisa beno na luzingu yina me pesama ya muvimba na kati ya Ndinga ya Yandi, ya kele kisambu ya munu.

Tii beto ke kutana! tii beto ke kutana!
Tii beto ke kutana na makulu ya Yesu;
Tii beto ke kutana! tii beto ke kutana!
Nzambi vwanda na beno tii beto ke kutana
dyaka!

³⁰⁸ Ntangu yayi beto telama. *Lukwikilu Ya Munu Ke Tala Na Nge . . . ? . . .* Munu, mbote, mu ke soba yawu. Mu ke kwikila ti ya kele mbote. (Beno lemvokila munu.)

Lukwikilu ya munu ke tala na Nge,
Nge Mwana-dimeme ya Calvaire,
Mvulusi ya Kinzambi;
Ntangu yayi widikila munu na ntangu yina mu
ke sambila,
Katula disumu ya munu nyonso,
O bika munu kubanda bubu yayi
Vwanda nyonso ya Nge!

³⁰⁹ Ntangu yayi beto pesana mbote mosi na yankaka ntangu bawu ke yimba:

Na yina mu ke tambula na kati ya mpimpa ya
luzingu,
Mpe bampasi ke kuma mingi pene-pene ya
munu,
Vwanda Ntwadisi ya munu;
Bika ti mpimpa kusoba na nsemo,
Kusuna masa ya meso ya munu,
Kubika ve ti mu kwenda
Ntama na Nge.

³¹⁰ Beno kuwa mbote ntangu yayi, mutindu yina ve?

Na zulu ya mapapu ya yembe ya mpembe
 mutindu mvula-mpembe,
 Nzambi ke fidisa zola ya Yandi ya kuvedila, ya
 lembami,
 Kidimbu ya Zulu,
 Na zulu ya mapapu ya yembe.
 Ntangu yayi na zulu ya mapapu ya yembe ya
 mpembe,
 Nzambi ke fidisa zola ya Yandi ya kuvedila, ya
 lembami,
 Kidimbu ya Zulu,
 Na zulu ya mapapu ya yembe.

³¹¹ Yina kele nsangu ya beto ya nsuka samu na campagne yayi.

Na zulu ya mapapu ya yembe ya mpembe
 mutindu mvula-mpembe,
 Nzambi ke fidisa zola ya Yandi ya kuvedila, ya
 lembami,
 Kidimbu ya Zulu,
 Na zulu ya mapapu ya yembe.

³¹² Beto kulumusa yintu ya beto. Mutindu bapiné ke na
 kuniunguta nkunga na kuvutukaka na yinzo, Mu ke tula kivuvu
 ti ya ke . . . beno ke kuwa makelele ya bapiné, makelele ya masini.

Na zulu ya mapapu ya yembe ya mpembe
 mutindu mvula-mpembe,
 Nzambi ke fidisa zola ya Yandi ya kuvedila, ya
 lembami,
 Kidimbu ya Zulu,
 Na zulu ya mapapu ya yembe.

[Mpangi Branham ke na kuniunguta *Na Zulu Ya Mapapu Ya Yembe*—Mu.]

. . . yembe,
 Nzambi ke fidisa zola ya Yandi ya kuvedila, ya
 lembami,
 Kidimbu ya Zulu,
 Na zulu ya mapapu ya yembe.

³¹³ Na bayintu ya beno ya kukulumusa, mu ke pesa beno na
 Mpangi Nolan. 

65-1128^E Na Zulu Ya Mapapu Ya Yembe
Ya Mpembe Mutindu Mvula-mpembe
Life Tabernacle
Shreveport, Louisiane U.S.A.

KIKONGO-KITUBA

©2024 VGR, ALL RIGHTS RESERVED

VOICE OF GOD RECORDINGS
P.O. BOX 950, JEFFERSONVILLE, INDIANA 47131 U.S.A.
www.branham.org

Luzabusu samu na kubasisa mikanda

Muswa nionso kele ya yandi. Muntu nionso lenda kubasisa buku yayi na masini ya yandi ya yinzo samu na yandi mosi, to kukabula yawu ya mpamba, mutindu kisadilu samu na kumwangisa Nsangu ya mbote ya Yesu Klisto. Ba lenda tekisa buku yayi ve, kubasisa yawu na lutangu ya kulutula mingi, kutula yawu na site internet, kubumbisa yawu na kibumbulu ya bansangu, kubangula yawu na bandinga yankaka, to kulomba mbongo kukondwa muswa yina me sonama na Voice Of God Recordings®.

Na yina me tadila bansangu ya kulutula mingi to samu na yina me tadila bisadulu, beno sonikila:

VOICE OF GOD RECORDINGS

P.O. BOX 950, JEFFERSONVILLE, INDIANA 47131 U.S.A.

www.branham.org